



Republic of Zambia
Ministry of Education

LUNDA
MUKANDA WAKULOMBOLA NTAÑISHI
MAÑU 1 – TEMU 1



Developed by the Curriculum Development Centre

Lusaka

2025

Copyright © Curriculum Development Centre, 2025.

Ñovu zhezhima haniwu mukanda zhidi mumakasa awawenawu awusoneka.

Kwosi chibalu chaniwu mukanda hela chimu chinatweshi kwidishewa cheñi, kuhembewa munzhila yiwunatweshi kwikala waswayi kuwana nakuwidisha cheñi hela kutemeshewa kwacheñi kuzatisha makina amaana amakonu, makina makwawu amboka-mboka, kufwatulewa, kukopewa hela nzhila zhikwawu, chakubula kusambila kwitezheza kudi aka Curriculum Development Centre ku.

Awusonekeli nakuwidisha kudi aka

Curriculum Development Centre

P.O. Box 50092

LUSAKA

ANSONEKI

- 1. Febby .S. Chikunji –Mulenda** Specialist – Curriculum Development
(Lunda), Curriculum Development Centre,
Lusaka.
- 2. Harriet Mbimbi:** Head of Department-Languages,
Kasisi ST.Thresa Secondary School, Chongwe.
- 3. Edah Samutamu:** Teacher,
Mwinilunga Primary School, Mwinilunga.
- 4. Brian Kabamba:** Teacher,
Nyamazhiya Primary School, Ikelenge.
- 5. Vandick Saisada:** Teacher,
Makonde Primary School, Zambezi.
- 6. Brenda Kahona:** Teacher,
Kanyihampa Primary School, Mwinilunga.
- 7. Tina Muvwala:** Teacher,
Kabanda Primary School, Mwinilunga.

1. MAZU ATACHI

Kutachika kwanloñeshelu yayiha yayuma yikutachika kutañishewa mumashikola, yitunakutena mu Chizungu netu Competence Based Curriculum (CBC), mu Lunda netu Yuma Yinakukuhwelelewa atudizi kwilukisha mukutaña kwawu, kunaleti kuhimpika nintañilu yakumwekesha kudiza kwilukisha yuma yamboka yinakukuhwelelewa kudi atudizi, kwesekezha namaana ayaka yamakonu.

Iwu **Mukanda Wakulombola Ntañishi** hamwakutañishila atudizi achidi anyanya amu Mañu 1 wunaloñeshewi kwesekezha nayuma hashindamena Competence Based Curriculum yafwilaña kunuñañesha kutaña hela ntañilu nayuma yayeni yamwekanaña mukuhanda.

Yuma yamboka yinakukuhwelelewa atudizi kwilukisha yinasonekewi mumukanda wa Nloñeshelu yayuma yikutañishewaña mumashikola amunu mu Zambia, Zambia Curriculum Framework mu Chizungu, yamu 2023, yinakundami kuyuma yidi imu mumukanda.

Iwu mukanda wunakufwila kukwasha antañishi wenawa kuzata nyidimu yawu kwesekezha nanloñeshelu ya Competence Based Curriculum, hampinji yikunabuli nyikanda yakuzatisha yetezhewa.

Dichi wunakumweshwa kudihana chikupu kwamutayi wanfulumendi weniwu kwakufwila kubula kukolesha nzatilu yawantañishi.

Hela chochu, antañishi anakoleshewi kubombelahu haniyi yuma yinasonekewi muniwu mukanda, kusanda-sanda nakuwana wunsahu nukuzatishahu nzhila zhiqwawu zhahachawu nakwila yuma kulonda kumanisha kukala kudi kwezhima kunatweshi kuwanawu munzatilu yanyidimu yawu muniyi nloñeshelu.

Nakuhweleli nami antañishi akuwuzatisha iwu mukanda wakuyikwasha munzhila yayiwahi.

Joel Kamoko (Mr)

Permanent Secretary – Educational Services

MINISTRY OF EDUCATION

2. KUSAKILILA

Iwu Mukanda Wakulombola Ntañishi hamwakutañishila atudizi amu Mañu 1 wunasonekewi kuhitila mukuhumañana-humañana nakuhanjeka nanowu ezhima akwatahu makasa hansañu zhamashikola. Kwadiñi kuhumañana nawantu, mazanvu ninyitayi yamboka kulonda kutambula yitoñozhoka yawu hantanjikilu yantañilu amu Mañu 1 nakuyinka nawa mpinji yakushimuna munatoñozhokuwu hela munafwili kumonawu muniwu mukanda. Hakachi kawu hadiñi; Antañishi amumashikola awatudizi anyanya nakulaku dehi, Antañishi kufuma ku mashikola Ansukula na Muñoñi, Mazanvu emenañaku yuma yamboka yatañishewaña mumashikola, Nyitayi yadimena yabula kukundama kunfulumendi nizanvu damatuña akwashaña ituña da Zambia.

Mukukunkulula, nalemeshi nyidimu nikudihana kwawa nkoñi kuchibalu cha Curriculum Development Centre, azatili nañovu nakumona chikupu neyi mudimu wezhima wakundama kukusoneka kwaniwu Mukanda Wakulombola Antañishi wunazatewi nakushika kunsu.

Charles Ndakala (Dr.)

Director- Curriculum Development

MINISTRY OF EDUCATION

YUMA YIDI MUKACHI

ANSONEKI.....	3
1. MAZU ATACHI.....	4
2. KUSAKILILA.....	5
3. KULUMBULULA.....	7
4. MWATELA KUWUZATISHILA IWU MUKANDA.....	7
5. NZHILA YAKUTAÑISHILAMU YINAFUUKULEWI.....	8
6. CHIKUÑULWILU.....	9
7. KUHOSHA NAKUTIYILILA.....	10
8. KUTAÑA.....	12
9. Mutu Wansañu: Kwiluka zhasonekewa.....	12
10. KUSONEKA.....	15
11. CHIBALU: KUSHIMUNA NSAÑU.....	19
12. KUHOSHA NAKUTIYILILA.....	19
13. KUTAÑA.....	20
14. MAZU AKUTAÑA.....	33
15. KUTAÑA NAKANAÑACHIMA.....	35
16. KUSONEKA.....	37
17. CHIBALU: KWIHULA NAKULUMBULULA.....	39
18. KUTAÑA.....	42
19. MUTU WANSANU 3: NTAÑILU YAYIWAHI.....	51
20. MAZU AKUTAÑA.....	53
21. KUTAÑA NAKANAÑACHIMA.....	55
22. KUSONEKA.....	56
23. CHIBALU: KUHOSHA NAWAKULUMPI.....	59
24. Muntu wansañu: Kuhanjeka.....	59
25. KUTAÑA.....	62
26. MUTU WANSANU 3: NTAÑILU YAYIWAHI.....	73
27. MAZU AKUTAÑA.....	75
28. KUTAÑA NAKANAÑACHIMA.....	76
29. KUSONEKA.....	78
30. CHIBALU: KUHOSHA NAWAMABWAMBU.....	81
31. KUTAÑA.....	83
32. MUTU WANSANU 4: Ntañilu yayiwahi.....	93
33. MAZU AKUTAÑA.....	95
34. KUTAÑA NAKANAÑACHIMA.....	96
35. KUSONEKA.....	98
BIBLIOGRAPHY.....	102

3 KULUMBULULA

Iwu Mukanda Wakulombola Antañishi amu Mañu 1 wunaloñeshewi nukusonekewa nakashinshi kakeni kulonda kuyikwasha kutañisha zhindizilu zha mwidimi da Lunda muniyi nloñeshelu yinahimpewi. Iwu mukanda anawusoneki kwesekezha nantanjikilu yamu 2023, yazhakutañisha atudizi Idimi da Lunda yetezhewa, yemena hakumona neyi atudizi anelukishi kwila yuma yinakukuhwelelewawu kuzata.

Mukanda weniwu wunafwili kukehesha kukala kwafuma hakubula kwanyikanda yakuzatisha yetezhewa nakukwasha nawa antañishi nayuma yayeni yakuzatisha, zhakwila nizha kweseka nachi atudizi zhaloñeshewa kweseka nachipimu chawu muntañilu niyuma yinatweshi kukeñekawu.

Wunu mutayi wanfulumendi, weluka kukala kukwinza nakuhimpa nikutachika nloñeshelu yantañilu yayiha yinemeni hakumona neyi atudizi anelukishi yuma yinakukuhwelelewa mudi wena. Kutonda nloñeshelu ya Competence Based Curriculum (CBC) diku kutachika kwachintampu chakuya kumbidi mukulumbulwisha kushikilamu nakulema kwantañilu.

4. MWATELA KUWUZATISHILA IWU MUKANDA

Muniwu mukanda mudi yuma yezhima yatela kutañishewa mu Temu 1 yamu Mañu 1. Mukanda weniwu wunambulewi munyitu yansañu dichi nawa mutu himutu wansañu wudi nayuma yakutañisha muyibalu yamboka, yidi neyi Kuhosha Nakutiylila, Kutaña, Mazu Akutaña, Kutaña Nakanañachima ni Kusoneka. Iyi yuma yakutañisha yinasonekewi muniwu mukanda hizhindizilu zhinaloñeshewuku ilañã yatela kuzatishewa kulonda kuloñesha nikusoneka nachi mwakutañishila zhindizilu. Hakuloñesha nikusoneka mwakutañishila zhindizilu, watela kufumisha yuma yakutañisha kuyibalu yamboka kulonda kwikala nandizilu yimu. Twesekezhi, mundizilu yimu munatweshi kwikala Kuhosha Nakutiylila, Mazu Akutaña, Kutaña ni Kusoneka. Hampinji yakuloñesha nakusoneka yuma yakutañisha mundizilu, watela kusakula yuma yalema yiwatela kushinshikahu niyuma hela nyidimu nawa yiwukukeña atudizi kwila hela kuzata hachuma hichuma chinakukuhwelelewawu kwilukisha. Dichi, ndizilu yikwikala hela yinatweshi kwikala nayuma yakubadika hadi chimu yinakukuhwelelewawu atudizi kwilukisha. Hela chochu, watela kutonda chibalu chinatweshi kukeñekewa mpinji yeneneni munoyu ndizilu. Cheñi nawa, nyidimu hela zhakwila zhinahanewi hadi chuma hichuma chinakukuhwelelewawu atudizi kwilukisha hiyinafuukulewi kumanishewa mundizilu yimuku. Izhi zhinatweshi kuzatewa mundizilu zhamboka.

NZHILA YAKUTAÑISHILAMU YINAFUUKULEWI

Neyi mukushinshika, kutañisha kwandizilu kwatela kulondela nzhila yatenañawu mu Chizungu nawu Gradual Release Model (GRM), mwakeñekaña eyi kusambila kumwekesha mwakwilila ochu chuma hela mwakuzatila owu mudimu kudi atudizi, kufumahu kwilamu hamu nawatudizi, nkumininaku nawa atudizi kwilamu halwawu. Kubombelahu, nzhila zhakutañishilamu zhamboka zhatela kuzatishewa kulonda kukwasha atudizi ezhima kweseka nakukala kwamboka-mboka kunatweshi kuwanawu mukutaña kwawu.

CHIKUÑULWILU

Analytical thinking.....	Kutoñozhoka kwakusanduzhola nakwiluka yuma
Activity.....	Zhakwila
Appropriate.....	Mwashikila
Accordingly.....	Mwatelela
Communication.....	Kutiyanshana
Conversation.....	Kuhanjeka
Component.....	Chibalu
Concept of print.....	Kwiluka kwayuma yasonekewa
Cursive writing.....	Kusoneka nakusendelela
Critical thinking.....	Kutoñozhoka kwakunama
Creativity and innovation.....	Kutoñozhoka nakutuña yuma
Character.....	Nhemi
Correctly.....	Mwaloña
Creatively.....	Wukalawenu
Digital literacy.....	Kwiluka kutaña nakusoneka kuzatisha makina amaana amaha
Directionality.....	Kwakutachikila hakutaña
Discussion.....	Kuhanjika
Exercise.....	Mudimu
Expected standards.....	Chipimu chanzatilu chinakuhwelelewi
General competence.....	Yuma yinakukuhwelelewa atudizi kwilukisha
Hook.....	Kukoka yitoñozhoka yawa tudizi
Introduction.....	Kulumbulula
Identify print.....	Kwiluka zhasonekewa
Key terms.....	Mazu alema
Listening comprehension.....	Kutiyilila nakanañachima
Learner assessment.....	Kweseka atudizi
Listening and speaking.....	Kuhosha nakutiyilila
Learning Activities.....	Zhakwila atudizi
Manuscript handwriting.....	Chizala chakubula kushaku nyikila
Note.....	Chanukishi
Pre-writing.....	Kudiza kutachika kusoneka
Pre-reading.....	Kudiza kutachika kutaña
Phonological awareness.....	Kwiluka nsona
Phonemic awareness.....	Kwiluka yivumina yansona
Reading fluency.....	Ntañilu yayiwahi
Simple inferences.....	Yitoñozhoka yatandumuka
Sympathy.....	Kumwekesha luwi
Summary.....	Mutu wansaño muwihi
Story telling.....	Kushimuna tuheka
Sitting posture.....	Mwakushakamina
Sub-topic.....	Mutu wansaño wanyanya
Specific competence.....	Chuma chinakukuhwelelewa atudizi kwilukisha
Teaching/learning aids.....	Yikuyuñulu
Technology.....	Kuzatisha makina amaana amaha
Topic.....	Mutu wansaño
Vocabulary.....	Mazu akutaña

CHIBALU: KUTIYILILA KUNSAÑU

KUHOSHA NAKUTIYILILA

Mutu Wansaño: Tuheka

Kulumbulula:

Iwu mutu wansaño hatuheka wudi naniwu mutu wansaño wanyanya;

- Kutiyilila kutuheka

Iwu mutu wansaño wukukwasha atudizi kuhosha nakutiylila kuhitila mukutwasha kuhosha nakutiylila, kushimuna tuheka nikwakula malwihu.

Yuma yinakukuhwelelewa atudizi kwilukisha

Kadizi anakumukuhwelele hampinji yakudiza nineyi nakumishi dehi kudiza kumwekesha kwiluka kwila yuma yidi neyi

Kukoka yitoñozhoka yawatudizi:

Esekezhaku neyi hadi antu ayedi, muntu namukwawu anemani nakudihoshesha. Wezhima wawu anakuhoshela hampinji yoyimu. Hakwikala wukutiya mukwawu? Chidi neyi hadawa antu ayedi hiyeluka kuhosha nakutiylilaku.

Mazu Alema

- Kaheka
- Kushimuna
- Kuhosha
- Kutiyilila

Mutu wansaño wanyanya:1 - Kutiyilila kutuheka

Kulumbulula mutu wansaño wanyanya:

Iwu mutu wansaño wanyanya wukukwasha atudizi mwakushimwina tuheka kulonda kudiza kuhosha nikutiylila.

Chuma Chinakukuhwelelewa Atudizi Kwilukisha:

- Kutiyilila kutuheka

Yikuyuñulu

- ✓ Nyikanda yatuheka twatwihi
- ✓ Chisela

Yuma yalema yakulumbulula hakutañisha

- ✓ Hakwila wutiyi kaheka chiña wutiyilili nakashinshi
- ✓ Wushiku muchima nakukeña kwiluka

Zhakwila

Ntañishi

a. Kutiyilila kukaheka

- Loñeshañahu dehi kaheka kakushimwina anyana
- Lumbululaku kulema kwakutiyilila
- Yilezhi atudizi neyi atiyilili kukaheka kiwunakuyilezha
- Yilezhi atudizi kaheka
- Yihuli atudizi malwihu hakaheka kiwunayilezhi

Kaheka

Kwadiñi kansi weyala wabula wukolu. Hadiñi nakukana kumutumaku. Antu amukeñeli nankashi. Dichi mwanta wamusendeli kuchipañu nakuhanda chachiwahi. Komana kubula wukolu hichuma chachiwahi.

Atudizi

- atiyilili kutuheka twakuyishimwina hela twakuyitañila nikwakula malwihu
- akuli malwihu iwukuyihula hakaheka kanatiyiwu

Chipimu Chanzatilu Chinakuhwelelewi

Malwihu ahansañu yanatiyiwu anakulewi mwaloña

b. Kuhema chisela chinakumwekesha kaheka

- Loneshaku chisela chakuhema hamutu wakutiyilila
- Lumbululaku chisela chiwukuloñesha
- Atudizi ahemi chisela

Chanukishi: shimwinaku atudizi kaheka kiweluka. Neyi hiweluka kahekaku, lezhaku kadizi ashimuni kaheka kelukayi. Ilaña neyi ninatudizi hiyanatweshiku, yitañili ichi chitalilu chakaheka

Chipimu Chanzatilu Chinakuhwelelewi

Yibalu yachisela yinahemewi mwatelela

Mutu Wansañu Muwih

Iwu mutu wansañu wadiña hadi atudizi kumwekesha;

- ✓ kutiyilila kukaheka
- ✓ Kukwatahu makasa mukuhema chisela chakaheka.

KUTAÑA

Mutu Wansaño: Kwiluka zhasonekewa

Kulumbulula

Iwu mutu wansaño wahakwiluka zhasonekewa wudi nanichi chibalu chamutu wansaño;

- Mwakukwatila mukanda

Iwu mutu wansaño wukukwasha atudizi kwiluka zhasonekewa.

Mutu wansaño wanyanya 1- Mwakukwatila mukanda

Kulumbulula mutu wansaño wanyanya

Iwu mutu wansaño wanyanya wudi hakudizisha atudizi hazhanyikanda kuhitila mukuyidizisha mwakukwatila nyikanda.

Chuma Chinakukuhwelelewa Atudizi Kwilukisha:

- Kukwata nyikanda munzhila yaloña

Mazu Alema

- Mukanda
- Peji
- Kumbidi yamukanda
- Kunyima yamukanda
- Kubakula

Chuma Chinakukuhwelelewa Atudizi Kwilukisha 1:

- Kukwata nyikanda

Yikuyuñulu

- Nyikanda
- Hakushakama hadi neyi yitwamu yayihi niyayilehi, chisalu, desiki

Yuma yalema yakulumbulula hakutañisha

- ✓ Mukanda awukwatilaña kuwanuñena
- ✓ Mukanda awibakwilaña mapeji kwiwulu kuchidiilu yimu yimu nakuyitwala kuchimunswa.
- ✓ Yibalu yamukanda yekala
 - chahambidi

- chakunyima
- muwulehi
- muwihi
- mwanuñena mukanda
- mapeji

Zhakwila

Ntañishi

a. Kubakula nakuzhika mukanda

- Tentekaku nyikanda yayivulu yamboka mudi antu, atunyama, yuma yamwitata hela nyitonda
- Nonaku mukanda nakumwekesha mwakubakwila nakuzhika
- Tambikaku kadizi wumu hela ayedi amwekeshi kubakula nakuzhika mukanda
- Inkaku atudizi nyikanda mumazanvu amwekesheña kubakula nakuzhika nyikanda
- Shakuku kashinshi nakumona atudizi chinakukwatawu nyikanda

Chipimu Chanzatilu Chinakuhwelelewi

Mukanda wunabakulewi nukuzhikewa mwaloña

b. Kubakula mapeji amukanda

- Mwekeshaku mwakubakwila mapeji amukanda kufuma kuchidiilu nakuya kuchimunswa, kubakula peji yimu yimu chakubula kusha mazeñi kumunu
- Lezhaku kadizi wumu amwekeshi kubakula mapeji amukanda
- Monaku neyi kadizi hikadizi wudi namukanda nakubakula mapeji mwaloña

Chipimu Chanzatilu Chinakuhwelelewi

Mapeji anabakulewi mwatelela.

c. Kukwata mwanuñena mukanda

- Mwekeshaku kukwata mwanuñena mukanda
- Atudizi akwimbuzholi chiwunakwati mukanda
- Atudizi ekali ayedi ayedi nakudilezha mwakukwatila mukanda kuwanuñena

Chipimu Chanzatilu Chinakuhwelelewi

Mwanuñena mukanda munakwatemi mwatelela

d. Kukwata mukanda nakutalisha chahambidi hewulu

- Yitalishi kukwata mukanda nakutalisha chahambidi hewulu
- Lezhaku atudizi kukwata nyikanda nakutalisha chahambidi yamukanda hewulu
- Monaku neyi anakukwata nyikanda chachiwahi

Chipimu Chanzatilu Chinakuhwelelewi

Mukanda wunakwatewi nakutalisha chahambidi hewulu mwaloña

e. Ateni yibalu yamukanda

- Lezhaku atudizi kutena yibalu yamukanda yidi neyi;
chahambidi chakunyima muwulehi
muwihi mwanuñena mukanda mapeji
- Ahemi chisela chakubokela chibalu chamukanda chinakwatewi (ntañishi hela kadizi wukukwata mukanda iku nawusweki nakwihula akwawu kutena kabadi kamukanda kanakwatewi)

Chipimu Chanzatilu Chinakuhwelelewi

Yibalu yamukanda yinatenezi mwaloña

f. Ahemi yisela yakwendesha mesu kufuma kuchimunswa nakuya kuchidiilu, kutala hewulu niheseki.

- Atudizi ahemi chisela mumazanvu nakulondela mwanakuyilezhayi ntañishi hela mukwawu kadizi (chidi neyi talenu heseki- dichi kadizi wukutala kwacheñi akumwimika kulonda atali akwawu chinakwilawu mwaloña.)

Chipimu Chanzatilu Chinakuhwelelewi

Chisela chinahemewi mwatelela

Chuma Chinakuhwelelewa Atudizi Kwilukisha 2:

- Kulumbulula nyevulu

Yikuyuñulu

Nyevulu yayuma yamboka yidi neyi atunyama, yawantu, yuma yamwitala....

Yuma yalema yakulumbulula hakutañisha

- ✓ Kulumbulula neyi nyevulu yikwawu yekala hinsañu
- ✓ Nyevulu ayilumbululaña kweseka nayuma yinakumwekana munyevulu

Zhakwila

Ntañishi

a. Kulumbulula nyevulu yakutanjika (kuhanjeka hanyevulu henohu kanda atachiki kutaña nsañu, kuhanjeka hamwevulu nakwidisha yitoñozhoka yawu, kufwanisha mazu nanyevulu.

- Loñeshelaku chadimu nyikanda yanyevulu yayivulu yamboka
- Talishaku atudizi mwevulu kulonda muhanjekihu
- Inkaku atudizi nyevulu mumazanvu kulonda ahanjekihu
- Afwanishi mazu nanyevulu (wukufwanisha swayi wukubidika nindi 'bingo' muloña nafwanishi swayi izu namwevulu kubadika akwawu)

Chipimu Chanzatilu Chinakuhwelelewi

Nyevulu yinalumbululewi mwatelela

b. Kusha nyevulu munlondakenu

- Yilumbulwili neyi nyevulu mpinji zhikwawu yemenañaku nsañu. Wunateli kusha nyevulu munlondakenu yaloña kweseka nayuma yinakumwekana munyevulu.
- Mwekeshaku nyevulu yinabuli kwikala munlondakenu yaloña kudi atudizi.
- Hanjekenu haniyi nyevulu nakuyisha munlondakenu yaloña
- Inkaku atudizi nyevulu mumazanvu kulonda amwekeshi kusha munlondakenu yaloña.

Chipimu Chanzatilu Chinakuhwelelewi

Nyevulu yinashewi munlondakenu yaloña.

Mutu wansañu muwihi

Iwu mutu wansañu wadiña nakutala hadi atudizi kumwekesha:

- ✓ Mwakukwatila mukanda
- ✓ Kulumbulula nyevulu

KUSONEKA

Mutu wansañu: Kudiza kutachika kusoneka

Kulumbulula:

Iwu mutu wansañu wakudiza kutachika kusoneka wudi naniyi yibalu yanyitu yansañu;

1. mwakushakamina hakusoneka
2. yuma yakuzatisha hakusoneka
3. kuleña

Iwu mutu wansaño wunakulumbulwila atudizi hakudiza kutachika kusoneka kuhitila mukwiluka yuma yakuzatisha hakusoneka.

Kukoka yitoñozhoka yawatudizi

Kwadiñi muntu wumu wenkeliwu mudimu wakusoneka mazhina awakwawu hamukala. Akwawu ezhima ayileña kudi yena nawu kulonda atali neyi mazhinawu adi mumukanda, ilaña yena wadiñi nakukana. Chenzhiliyi kapitawu nakutambula mazhina awantu, kuwana kanyinkwazu hayipapilu. Komana hadiña weluka kusonekaku.

Mazu Alema

- Nsonekeshi
- Kuleña
- Kwinuka
- Kunoñama
- Katanyisha
- Koloka

Mutu wansaño wanyanya 1 - Kushakama mwaloña

Kulumbulula mutu wansaño wanyanya

Iwu mutu wansaño wanyanya wudi hakwilukisha atudizi kumwekesha kushakama chachiwahi kuhitila mukwiluka kushakama chachiwahi nikushakama chatama.

Chuma Chinakukuhwelelewa Atudizi Kwilukisha:

- Kumwekesha kushakama mwaloña hakusoneka.

Yikuyuñulu

- Mwevulu wamutupa nanzovu
- Mwevulu wunakumwekesha kushakama kwakuwahi nikushakama kwatama

Yuma yalema yakulumbulula hakutañisha

- ✓ Kushakama kwakuwahi hikushakama nanyima yoloka hachitwamu hela hadesiki.
- ✓ Kushakama chachiwahi kwaleteshaña kwikala nachizala chachiwahi nikusoneka chachiwahi.

- ✓ Lumbululaku nzhila zhikwawu zhakushakama chidi neyi hachisalu, hachitwamu chachihi.

Zhakwila

Ntañishi

- Letaku hakushakama hamboka hadi neyi madesiki, yitwamu yayilehi niyayihi, mesa nichisalu
- Mwekeshaku kushakama neyi mutupa nikushakama neyi nzovu
- Yili atudizi ashakami hamadesiki hela hayitwamu yidi kukamwihi namesa
- Shaku maana nakutala chinakushakamawu atudizi.
- Monaku neyi anakushakama choloka neyi mutupa
- Yihuli neyi anakushakama mwaloña nawa muloñadi chimunekalili mwaloña?
- Neyi kadizi nakuli chidi tuhu chiwahi, neyi nehi, ntañishi yilumbulwili neyi:

Atudizi

- Ashakami hamadesiki hela hayitwamu yidi kukamwihi namesa
- Ashakami choloka neyi mutupa
- Akuli malwihu akuyihulayi ntañishi

Chipimu Chanzatilu Chinakuhwelelewi

Nshakaminu yaloña yinamwekeshewi mwatelela.

Mutu wansañu wanyanya 2: Yuma yakuzatisha hakusoneka

Kulumbulula mutu wansañu wanyanya

Iwu mutu wansañu wawihi wudi hakwilukisha atudizi kumwekesha kukwata nsonekeshi zhamboka.

Chuma Chinakukuhwelelewa Atudizi Kwilukisha:

Kukwata nsonekeshi mwaloña hakusoneka.

Yikuyuñulu

Nsonekeshi zhamboka (mapensulu, tutanyisha)

Yuma yalema yakulumbulula hakutañisha

- ✓ Nsonekeshi ayikwataña namunu wedimbanu niwakwinyika nachi (kompola nseña) nakuyinokeshela hamunu wahakachi.

Zhakwila

Ntañishi

- Loñeshaku nsonekeshi zhazhivulu zhamboka
- Talishaku atudizi mwakukwatila nsonekeshi zhamboka.
- Lezhaku kadizi wumu hela ayedi amwekeshi mwakukwatila nsonekeshi
- Inkaku atudizi ezhima nsonekeshi zhamboka kulonda amwekeshi mwakuzhikwatila.
- Hitaku nakutala chinakukwatawu atudizi nsonekeshi.

Chipimu Chanzatilu Chinakuhwelelewi

Yuma yakuzatisha hakusoneka yinakwatemi chachiwahi

Mutu wansaño wanyanya 3: Kuleña

Kulumbulula mutu wansaño wanyanya

Iwu mutu wansaño wanyanya wudi hakwilukisha atudizi mwakuleñela yuma.

Chuma Chinakuhwelelewa Atudizi Kwilukisha:

- Kumwekesha kuleña yuma yamboka.

Yikuyuñulu

Nsonekeshi, tutanyisha, nyikanda, nyevulu yayuma yamboka

Yuma yalema yakulumbulula hakutañisha

- ✓ Nsonekeshi ayikwataña namunu wedimbanu niwakwinyika nachi (kompola nseña) nakuyinokeshela hamunu wahakachi.
- ✓ Neyi wunakulambwizha nakatanyisha, wulombu watela kwikala mukachi kachuma bayi kusompweshwa hanzhiku.

Zhakwila

Ntañishi

- Mwekeshaku mwakuleñela chuma (leñaku chuma chidi neyi mukabu, mutondu, muntu hela kanyama)
- Neyi wunakañanyi kuleña loñeshaku nyevulu yamboka yayuma yakutalisha

Atudizi

- Lezhaku atudizi aleñi nyevulu yamboka munyikanda yawu.

Chipimu Chanzatilu Chinakuhwelelewi

Yuma yamboka yinalañewi mwaloña.

Mutu wansaño muwihi

Iwu mutu wansaño wadiñi hadi atudizi kumwekesha kutweshwa;

- ✓ kushakama mwaloña.
- ✓ Kukwata yuma yakuzatisha hakusoneka
- ✓ Kuleña

CHIBALU: KUSHIMUNA NSAÑU

KUHOSHA NAKUTIYILILA

Mutu Wansaño: Tuheka

Kulumbulula

Iwu mutu wansaño hatuheka wudi naniwu mutu wansaño wanyanya:

kushimuna tuheka

Iwu mutu wansaño wukukwasha atudizi kuhosha nakutiylila kuhitila mukutweshha kuhosha nakutiylila, kushimuna nikwakula malwihu.

Kukoka yitoñozhoka yawatudizi

Kapasu kamwanta amutumineña kuya nakutwala nyizhimbu kufuma kuñanda. Ilaña mwanta wahayamineña hakuwana nindi antu hiyadiñi nakwila mwakeñeleñayiku. Komana kapasu kwindi wadiñi hohu nakushimuna mukuku wamazu watachi niwakukumishaku. Yena hadiñi weluka kushimuna nsañuku.

Mazu Alema

- Kaheka
- Kushimuna
- Kutiyilila
- Kamina

Mutu wansaño wanyanya: Kushimuna tuheka

Kulumbulula mutu wansaño wanyanya

Iwu mutu wansaño wanyanya wukukwasha atudizi mwakushimwina tuheka kulonda kudiza kuhosha nikutiylila.

Chuma Chinakukuhwelelewa Atudizi Kwilukisha

- Kushimuna tuheka chachiwahi

Yikuyuñulu

- Tuheka twakusoneka munyikanda.

Yuma yalema yakulumbulula hakutañisha

- ✓ Mwiluña mwatela kwikala mwakubula ipumba
- ✓ Kubula kudikokashana nikukoka yuma hampinji yakutiylila

Zhakwila

Ntañishi

a. Kushimununa tuheka

- Shimwinaku atudizi kaheka
- Ihulaku atudizi malwihu kufuma hakaheka kiwunashimuni
- Lezhaku kadizi wumu hela ayedi ashimununi kaheka kiwashimuna
- Atudizi ayedi ayedi adishimwini nakudishimunwina tuheka

Chipimu Chanzatilu Chinakuhwelelewi

Tuheka tunashimunewi munlondakenu

b. Kushimuna tuheka twawu awenawu

- Shimunaku kaheka kahadi eyaweneyi kudi atudizi
- Lezhaku kadizi wumu hela ayedi enzi kumbidi nakushimuna kaheka hadi awenawu
- Shaku atudizi mumazanvu kulonda adishimwini tuheka twawu

Chipimu Chanzatilu Chinakuhwelelewi

Tuheka twawu tunashimunewi munlondakenu

c. Ahemi chisela chakaheka

- Shimunaku kaheka kudi atudizi
- Yihuli ateni adi mukaheka
- Ahemi chisela chakaheka

Chipimu Chanzatilu Chinakuhwelelewi

Tuheka tunahemewi chachiwahi

Mutu wansaño muwih

Iwu mutu wansaño wadiña hadi atudizi kumwekesha;

- ✓ Kushimuna tuheka chachiwahi

KUTAÑA

Mutu wansaño 1: kwiluka nsona niyivumina

Kulumbulula

Iwu mutu wansaño hakwiluka nsona niyivumina wukukwasha atudizi kutena nsona niyivumina yayu. Wudi naniyi nyitu yansaño yanyanya;

1. Kwiluka nsona niyivumina
2. Yikunku yamaz

Iwu mutu wansaño wakwiluka nsona niyivumina wukukwasha atudizi kutuña chikuku chakutaña.

Kukoka yitoñozhoka yawatudizi

Mweluka nenu tuda nitunyama twedishaña yivumina? Twayenu tutenenu yivumina yawatuda nitunyama. Ikolukolu welaña nindi kolu kolu..., kasumbi kekombu naku kokoliko..., mpembi nindi meee... (manishaku nakutenahu tuda nitunyama tukwawu)

Mazu Alema

- Nsona
- Chivumina
- Mazu

Mutu wansaño wanyanya 1: kwiluka nsona

Kulumbulula mutu wansaño wanyanya

Iwu mutu wansaño wanyanya wukukwasha atudizi mwakutenena nsona niyivumina yayu.

Mutu wansaño wanyanya 1: Yikunku yamazu

Kulumbulula mutu wansaño wanyanya

Iwu mutu wansaño wanyanya wukukwasha atudizi kwiluka mwakutenena yikunku yamazu.

Chuma Chinakukuhwelelewa Atudizi Kwilukisha:

- Kutena yikunku yamazu mumazu akuhosha hohu

Yikuyuñulu

Makadi ayikunku yamazu, fuba yakuhembela makadi, makadi ansona

Yuma yalema yakulumbulula hakutañisha

- ✓ Mazu ayituñaña nayikunku yatenañawu nawu yikunku yamazu
- ✓ Izu adituñaña nayikunku yamazu.
- ✓ Yikunku yamazu tunatweshi kuyibomba bomba hela kuyinuña nuña nakutuña mazu amboka

Chanukishi: Iwu mutu wansaño wanyanya wunakuhosha hamazu niyikunku yansaño mukuhosha hohu. Hiyatela kuyisonekaku.

Zhakwila

Ntañishi

- a. Kutena yikunku yamazu mukuhosha hohu
 - Tenaku yikunku yamazu mumazu anahoshewi.
 - Lezhaku atudizi izu mukuhosha chidi neyi (munu)
 - Lezhaku atudizi ahoshimu niwena munidi izu.
 - Lezhaku atudizi neyi mazu ayituña nayikunku yamanzu.

- Tenaku izu mukuhosha hohu chidi neyi munu.
- Yilezhi atudizi neyi izu **munu** adituña nayikunku yamazu yiyedi, iyi diyi **mu** na **nu**
- Tenaku cheñi izu dikwawu damuchiyedi, **nona**.
- Lezhaku atudizi neyi mwizu **nona** mudi yikunku yamazu yiyedi, **no** na **na**.
- Tenaku mazu amakwawu dichi atudizi ashimuneña yikunku yamazu yidi mumazu wenowu.

Atudizi

- Afuntili mwizu dinateniyi ntañishi.
- Ashimuneña yikunku yidi mumazu anakutenayi ntañishi.
- Ateneña mazu dichi akwawu atudizi ashimuneña yikunku ya mazu yidi mumazu wenowu.

Chanukishi: Monaku neyi awa mazu ezhima akutuña kuzatisha yivumina yatañawu dehi.

Chipimu Chanzatilu Chinakuhwelelewi

Yikunku yamazu, mumazu anahoshewi yinatenezi mwaloña.

b. Kuhema chisela chakuchinda yikunku yamazu yidi mumazu

- Loñeshaku nyevulu yinakumwekesha yuma chidi neyi ifu
- Mwekeshaku izu dimu didi hakadi nakuditaña.
- Lezhaku atudizi kuditaña kufumahu ateni yikunku yamazu yidi munodu izu mukuhosha hohu
- Mwekeshaku kuchinda yikunku yamazu yidi mwizu kuzatisha kusakilila mumakasa. Chidi neyi: izu '**nona**' (wukusakilila kayedi)
- Yihuli ashimuni kapampa kañahi kakusakililawu mwizu '**kama**'
- Yishi atudizi mumazanvu nakuyinka makadi amazu kulonda ahemeña chisela chakuchinda yikunku yamazu nakusakilila.

Chipimu Chanzatilu Chinakuhwelelewi

Chisela chakuchinda yikunku yamazu chinahemewi mwatelela

c. Kutuña mazu kuzatisha yikunku yamazu mukuhosha hohu

- Lezhaku atudizi neyi tunakuya nakutuña mazu kuzatisha yikunku yamazu.
- Tenaku yikunku yamazu yiyedi mukuhosha hohu.
- Yibombi oyu yikunku yamazu yiyedi nakutuña izu mukuhosha hohu.
- Funtlakuhu cheñi nayikunku yamazu yamboka nakutuña mazu mukuhosha hohu
- Yitalishi atudizi yikunku yamazu yambooka hamakadi hela habodi chidi neyi; **tu, sa, na, ma, ka, no, mo, ni**.
- Mwekeshaku kutuña izu kuzatisha yikunku yamazu yiyedi. Chidi neyi: **no.... na** iyi yikunku yamazu yikutuña izu **nona**
- Yishi atudizi mumazanvu kulonda atuñi mazu kuzatisha yikunku yamazu yiwukuyinka

Chipimu Chanzatilu Chinakuhwelelewi

Mazu anatuñewi kuzatisha yikunku yamazu mukuhosha hohu mwaloña

d. Kuhema yisela yakufumisha nakuhiñishamu yikunku yamazu

- Loñeshaku mazu akuzatisha hakuhema chenichi chisela.
- Sonekaku izu habodi nakuditaña hamu nawatudizi kufumahu wumwekeshi kufumishamu chikunku chezu chimu nakufuntishamu chacheñi (hanaku chitalilu chakufumisha chikunku chezu chidi neyi; izu- wuña neyi tufumishaku 'wu' nakushaku 'tu' __ña, dikwikala **tuña** -shaku atudizi mumazanvu nakuyinka makadi amazu kulonda afumisheña nakuhiñishamu yikunku yamazu yidi neyi, **mama, masa**.)

Chipimu Chanzatilu Chinakuhwelelewi

Yisela yakwiluka yikunku yamazu (kufumisha nakuhiñishamu chikunku chezu) yinahemewi mwatelela.

Mutu wansaño wanyanya 2; Kwiluka yivuna yansona.

Chuma Chinakukuhwelelewa Atudizi Kwilukisha:

- Kutena yivumina yidi mwizu.

Yikuyuñulu

Makadi ansona, makadi ayivumina

Yuma yalema yakulumbulula hakutañisha

- ✓ Nsona zhekala namazhina hiyanyanta yansona hohu, nsona zhinashali yekala hiyivumina.
- ✓ Izu adituñaña nayivumina yansona. Yivumina yansona yatuñaña yikunku yamazu. Yikunku yamazu yatuñaña mazu.

CHANUKISHI

- ✓ Muniwu mutu wansaño wanyanya, atudizi akutaña hohu yivumina yamazu yakukutachika nikukukumisha hela kunsu yezu mumazu akuhosha hohu.
- ✓ Mazu ezhima ekala akutuña nayivumina.

Zhakwila

Ntañishi

a. Kutena chivumina chidi kukutachika kwamazu mukuhosha hohu.

- Loñeshaku mazu apela iwukukeña kuzatisha (cvcv chidi neyi nona, kosa, wuwa.....)
- Tenaku izu dimu mukuhosha hohu
- Lezhaku atudizi niwena aditeni
- Yilezhi neyi izu diwunateni didi nachivumina kukutachika chidi neyi izu nichivumina chidi kukutachika kwadu

- Tenaña mazu amakwawu kulonda wuyihuli ateneña yivumina yidi kukutachika kwanowu mazu.

Atudizi

- Afuntileña mumazu anahoshiyi ntañishi.
- Ateni mazu apela nakushimuna yivumina yidi kukutachika ya manzu wenowu.

Chipimu Chanzatilu Chinakuhwelelewi

Chivumina chansona kukutachika kwamazu chinatenewi mwaloña mukuhosha hohu.

b. Kutena chivumina chidi kunsu yamazu mukuhosha hohu

- Loñeshaku mazu apela iwukukeña kuzatisha (cvcv chidi neyi nona, kosa, wuwa.....)
- Tenaku izu dimu mukuhosha hohu
- Lezhaku atudizi niwena aditeni
- Yilezhi neyi izu diwunateni didi nachivumina kunsu chidi neyi izu nichivumina chidi kukutachika kwadu.
- Tenaña mazu amakwawu kulonda wuyihuli ateneña yivumina yidi kunsu yanowu mazu.

Chipimu Chanzatilu Chinakuhwelelewi

Chivumina chansona kunsu yamazu chinatenewi mwaloña mukuhosha hohu.

c. Kuhema yisela yakufumisha nakuhiñishamu chivumina mukuhosha hohu

- Loñeshaku mazu apela iwukukeña kuzatisha (cvcv chidi neyi nona, kosa, wuwa.....)
- Tenaku izu dimu mukuhosha hohu
- Lezhaku atudizi niwena aditeni
- Yilezhi neyi izu diwunateni didi nachivumina kukutachika chidi neyi izu nichivumina chidi kukutachika kwadu.
- Mwekeshaku kuhema chisela chakuhiñisha chivumina chakukutachika mwizu nachikwawu chacheñi mukuhosha hohu, chidi neyi **mona**, **tona**, **nona**.
- Tenaña mazu amakwawu kulonda wuyihuli ateneña yivumina yidi kukutachika kwanowu mazu.
- Loñeshaku mazu mukuhosha hohu akuzatisha hakuhema chenichi chisela.
- Sonekaku izu habodi nakuditaña hamu nawatudizi kufumahu wumwekeshi mwakufumishilahu nsona yimu nakuhiñishahu nsona wacheñi (hanaku chitalilu chakufumisha nsona yatachi chidi neyi; izu- wuña neyi tufumishaku 'w' yikwikala __uña. Dichi chitukuhiñishamu nsona wacheñi tukutuña izu dadiha. Chidi neyi; __uña yikwikala **tuña** neyi tunahiñishimu 't')
- Shaku atudizi mumazanvu nakuyinka makadi amazu kulonda afumisheña nakuhiñishamu nsona.

Atudizi

- Atudizi ateni mazu akutenayi ntañishi.
- Ateni yivumina yidi kukutachika kwamazu anakutenayi ntañishi.
- Ahemi chisela hamu nantañishi chakufumisha nakuhiñisha yivumina kukutachika kwamazu.
- Afumishi nakuhiñisha yivumina kukutachika kwamazu, mumazanvu.

Chipimu Chanzatilu Chinakuhwelelewi

Yisela yakwiluka nsona (yakufumisha nakuhiñishamu nsona) yinahemewi mwatelela

d. Kuzatisha mazu mudi yivumina yadifwana muntiyakenu kulonda kudiza yivumina yansona.

Ntañishi

- Loñeshaku mazu amavulu mudi yivumina yadifwana kukutachika hela kukukumisha.
- Lezhaku atudizi neyi kwekala mazu amu adifwana muntiyakenu.
- Mwekeshaku kuhosha nakutena mazu mudi yivumina yadifwana chidi neyi; katata katata kananwi menzhi atata katatakichi.
- Lezhaku kadizi wumu hela ayedi akwimbuzholi.
- Yishi atudizi mumazanvu nakuyinka mazu mudi yivumina yadifwana kulondaadizeña kuyitena.

Atudizi

- Embuzholi ntañishi kutena mazu mudi yivumina yadifwana.
- Ekali ayedi-ayedi kulonda adizeña kutena mazu mudi yivumina yadifwana.
- Mumazanvu anayishiwu, adizeña kutena mazu mudi yivumina yadifwana.

Chipimu Chanzatilu Chinakuhwelelewi

Mazu adi nayivumina yadifwana anatenewi mwaloña.

Mutu wansañu muwihi

Iwu mutu wansañu wadiñi nakutala hadi atudizi kumwekesha

- ✓ Kwiluka yikunku yamazumu mumazu mukuhosha hohu.
- ✓ Kwiluka yivumina yakukutachika nikunsa yamazumu mukuhosha hohu.

Mutu Wansañu 2: Yivumina Yansona Muyatiyakenaña Kulumbulula

Iwu mutu wansañu wahayivumina yansona muyatiyakenaña wudi naniyi nyitu yansañu yanyanya

1. Yivumina yansona
2. Yikunku yamazumu
3. Mazu

Iwu mutu wansañu wukukwasha atudizi kwiluka mwakutenena yivumina yansona muyatiyakenaña

Kukoka yitoñozhoka yawatudizi

Hemenu yisela yakunyinu yambo-mboka nawa tudizi.

Mazu Alema

- Nsona
- Chivumina
- Kutiyakana
- Kutena

Mutu wansaño wanyanya 1: Yivumina yansona (a, e, i, o, u ... n, k, m, h)

Chanukishi; Anukaku neyi watela kutañisha chivumina chimu hohu hampiji, kwesekezha nanomu mwatanjikilawu kutañisha yivumina.

Kulumbulula mutu wansaño wanyanya

Iwu mutu wansaño wanyanya wukukwasha atudizi kwiluka mwakutenena yivumina yansona.

Chuma Chinakukhwelelewa Atudizi Kwilukisha:

- Kuhosha yivumina yansona.

Yikuyuñulu yinafuukulewi

Makaadi ansona, makaadi ayivumina

Yuma yalema yakulumbulula hakutañisha

- ✓ Yivuma yatuñaña mazu ayimenañaku kudi zhinsona mukusoneka. Ochi dichu chatukwashañaku kutwesa kutaña mazu.
- ✓ Iyi yivumina yekala mumazanvu ayedi, anyanta natupasu. Nsona zhekala namazhina hiyanyanta yansona hohu, nsona zhinashali yekala hiyivumina.
- ✓ Mazu ezhima ekala akutuña nayivumina.

Zhakwila

Ntañishi

a. Kuhosha yivumina yansona

- Lezhaku atudizi neyi tunakuya nakudiza kwidisha yivumina yansona. Dichi loñeshañahu dehi makadi ansona.
- Mwekeshaku mwakutiyakeshela chivumina chansona chiwunakutañisha odu ifuku.
- Tiyakeshenu chivumina chanoyu nsona hamu nawa tudizi.
- Atudizi atiyakeshi chivumina chanoyu nsona nkawawu.
- Yitalishi kadi hadi nsona **k**
- Lezhaku atudizi edishi chivumina chansona **|k|**.
- Neyi anakañanyi, yidishili chivumina chansona **|k|**
- Lezhaku atudizi ateni mazu akweti chivumina **|k|**

- Yinki atudizi makadi ansona kulonda edisheña yivumina yansona

Atudizi

- Atiyakeshi chivumina chanoyu nsona yinakutañawu odu ifuku, hamu nantañishi.
- Atiyakeshi chivumina chanoyu nsona nkawawu.
- Edishi chivumina chansona [k] hanyima yakuyitalisha kaadi hadiyi, kudi ntañishi.
- Ateni mazu akweti chivumina [k]
- Hanyima yakuyinka makaadi ansona kudi ntañishi, edisheña yivumina yansona.

Chipimu Chanzatilu Chinakuhwelelewi

Yivumina yansona yinedishewi mwaloña

b. Kuwana nsona zhemenañaku yivumina

Ntañishi

- Loñeshaku makadi adi nansona amavulu.
- Atudizi awani nsona wemenañaku chivumina chansona chinakutañawu odu ifuku, hanyima yakuyitalisha mwakwilila kudi ntañishi.
- Mwekeshaku kutena yivumina yansona yiwunakutañisha haniyi mpinji kudi atudizi.
- Yishi ekali ayedi ayedi kulonda wuyinki makaadi ansona ateneña yivumina yansona yidi hamakaadi.

Atudizi

- Awani nsona wemenañaku chivumina chansona chinakutañawu odu ifuku, hanyima yakuyitalisha mwakwilila kudi ntañishi.
- Ateni yivumina yansona yidi hamakaadi yanayikiwu kudi ntañishi, ayedi-ayedi.
- Ateni yivumina yansona yidi hamakaadi yanayikiwu kudi ntañishi, wumu-wumu.

Chipimu Chanzatilu Chinakuhwelelewi

Yivumina yansona yinatenehi mwaloña

c. Kusakula nakwambula nsona

Ntañishi

- Loñeshelañahu dehi makadi amavulu hadi nsona
- Mwekeshaku kusakula nakwambula nsona.
- Yinki atudizi mabokisi mudi makaadi amavulu ansona mumazanvu ambuleña nakusha nsona zhadifwana hamu.
- Monaku neyi atudizi anasakuli nsona chaloña.

Atudizi

- Ambuleña nakusha nsona zhadifwana hamu.

Chipimu Chanzatilu Chinakuhwelelewi

Nsona yinasakulewi mwatelela

Mutu wansaño wanyanya 2: Yikunku yamazu

Kulumbulula

Iwu mutu wansaño wanyanya wukukwasha atudizi kutuña yikunku yamazu kuhitila mukubomba katumwa namwanta wansona.

Chuma Chinakukuhwelelewa Atudizi Kwilukisha:

- Kubomba tutumwa nawanyanta yansona nakutuña yikunku yamazu

Yikuyuñulu yinafuukulewi

Makadi ansona, makadi ayivumina

Yuma yalema yakulumbulula hakutañisha

- ✓ Nsona zhekala namazhina hiyanyanta yansona hohu, nsona zhinashali yekala hiyivumina.
- ✓ Mazu ezhima ekala akutuña nayivumina.
- ✓ Chikunku chezu achituñaña nakatumwa nimwanta wansona hela mwanta wansano nkawidi, chidi neyi **ta**, (tama) ni **i** neyi mwizu (ila).

Zhakwila

Ntañishi

- a. Kutuña yikunku yamazu kufuma kututumwa nanyanta yansona
 - Mwekeshaku mwakutuñila chikunku chezu kwesekezha nachivumina chiwunakutañisha odu ifuku.
 - Ilaku chuma chochimu hamu nawa tudizi.
 - Atudizi adizeña kutuña yikunku yamazu halwawu.
 - Monaku neyi wunaloñeshi makaadi ansona amavulu.
 - Mwekeshaku kutuña chikunku chezu kuzatisha katumwa nimwanta wansona.
 - Yinki atudizi mabokisi mudi nsona mumazanvu kulonda atuñeña yikunku yamazu.

Atudizi

- Atuñi yikunku yamazu hamu nantañishi.
- Adizeña kutuña yikunku yamazu halwawu.
- Atuñeña yikunku yamazu mumazanvu kuzatisha nsona zhidi mubokisi yinayinkiwu kudi ntañishi.

Chipimu Chanzatilu Chinakuhwelelewi

Yikunku yamazu yinatuñewi kufuma kututumwa ninyanta yansona mwaloña

b. Kutaña hachati yayikunku yamazu

- Loñeshaku chati hadi yikunku yamazu
- Mwekeshaku mwakutañila yikunku yamazu kudi atudizi.
- Tañenu yikunku yamazu hamu nawatudizi.
- Atudizi atañi yikunku yamazu halwawu.
- Yishi atudizi mumazanvu hela ayedi ayedi nakuyinka chati yayikunku yamazu kulonda atañi.
- Monaku neyi anakutaña chachiwahi. Neyi anakuluwañesha yikwashi kutaña mwaloña.

Chipimu Chanzatilu Chinakuhwelelewi

Chati yayikunku yamazu yinatañewi mwaloña

c. Kusakula nakwambula yikunku yamazu

Ntañishi

- Londelaku nzihila yoyimu yiwazatishili hakwambula zhinsona.
- Loñeshelañahu dehi makadi ayikunku yamazu
- Mwekeshaku kusakula nakwambula yikunku yamazu
- Yinki atudizi mabokisi mudi makadi ayikunku yamazu mumazanvu kulonda ambuleña nakusha yikunku yamazu yadifwana hamu.
- Monaku neyi atudizi anasakuli yikunku yamazu chachiwahi.

Atudizi

- Ambuli nakusha yikunku yamazu yadifwana hamu.

Chipimu Chanzatilu Chinakuhwelelewi

Yikunku yamazu yinasakulewi nakwambulewa mwatelela

d. Kufumishahu nsona nakuhiñishahu yikwawu

Ntañishi

- Mwekeshaku mwakufumishila nakuhiñishila nsona muchikunku chezu, chidi neyi **pa**, kuhiñisha **p** hadi **t**.
- Loñeshaku makadi ansona ni makadi amazu. (Monaku neyi makadi amakwawu akwikala ayedi hela asatu nezu dodimu. Ilaña izu dimu hakwikala nsona yinafumishiwu.
- Mwekeshaku kusha nsona mwizu munabuli nsona nakutuña izu dacheñi
- Yinki atudizi mumazanvu kulonda asheña nsona mumazu munabuli nsona nakutuña mazu amaha anambuki nanowu amakwawu akutuña dehi adi mubokisi.

Atudizi

- Ashi nsona mumazu munabuli nsona nakutuña mazu amaha anambuki nanowu amakwawu akutuña dehi adi mubokisi.

Chipimu Chanzatilu Chinakuhwelelewi

Nsona zhinahiñishewi mwaloña

Chipimu Chanzatilu Chinakuhwelelewi

Yivumina yatutumwa tuyedi nawanyanta yinabombewi mwaloña

Mutu wansañu wanyanya 3: Mazu

Kulumbulula mutu wansañu wanyanya

Iwu mutu wansañu wanyanya wukukwasha atudizi mwakubombela yikunku yamazu nakutuña mazu

Chuma Chinakuhwelelewa Atudizi Kwilukisha:

Kubomba yikunku yamazu nakutuña mazu

Yikuyuñulu

Makadi ansona, makadi ayikunku yamazu, makadi amazu

Yuma yalema yakulumbulula hakutañisha

- ✓ Nsona zhekala namazanvu ayedi, anyanta niyatutumwa.
- ✓ Mazu ezhima ekala akutuña nayikunku yamazu
- ✓ Yuma yatañiliwu mukuhosha hohu hakwiluka nsona ichi atela kuyiluka mukusoneka.

Chanukishi; Watela kuzatisha hohu yikunku yamazu yakufuma kuyivumina yatañawu dehi ninochu chinakutañawu.

Zhakwila

Ntañishi

- Kubomba yikunku yamazu nakutuña mazu
- Lezhaku atudizi neyi tunakuya nakudiza chakubomba yikunku yamazu kulonda kutuña mazu.
 - Sonekaku yikunku yamazu yiyedi habodi hela yitalishi makadi hadi yikunku yamazu yiyedi yamboka chidi neyi

ka	na
----	----

- Lezhaku atudizi atañi chikunku chezu chatachi | **ka** | . Kufumahu atañi chikunku chezu | **na** | .
- Mwekeshaku cheñi kubomba iyi yikunku yamazu yiyedi hamu kulonda kutuña izu dikwawu chidi neyi:

ka	Na
----	----

kana

- Atudizi mumazanvu atuñi mazu kuzatisha yikunku yamazu.
- Monaku neyi atudizi anakubomba yikunku yamazu chachiwahi.

Chipimu Chanzatilu Chinakuhwelelewi

Yikunku yamazu yinabombewi nakutuña mazu mwaloña

b. Kufumisha nakuhiñisha chikunku chezu chidi neyi **mona mota**

- Loñeshaku mazu akuzatisha
- Mwekeshaku kufumisha nakuhiñisha chikunku chezu mwizu. Chidi neyi: izu 'kesi' neyi tufumishaku chikunku chezu 'ke' nakuhiñishahu 'na', tukutuña izu dadiha **nasi**
- Tambikaku kadizi wumu hela ayedi atalishi akwawu kufumisha nakuhiñisha chikunku.
- Yinki atudizi mabokisi mudi mazu niyikunku yamazu mumazanvu kulonda afumisheña nakuhiñisha yikunku yamazu.

Chipimu Chanzatilu Chinakuhwelelewi

Yikunku yamazu yinafumishewi nakuhiñishewa mwatelela

c. Kutena yikunku yamazu mumazu

- Loñeshaku mazu amavulu akuzatisha
- Mwekeshaku kuwana nakutena yikunku yamazu yidi mumazu chidi ney: izu **ka/ ba/ ka.**
- Yinki atudizi makadi amazu kulonda ateni yikunku yamazu yidi mumazu iwunayinki

Chipimu Chanzatilu Chinakuhwelelewi

Yikunku yamazu yidi mumazu yinatenezi mwaloña.

d. Kuchinda yikunku yamazu

- Monaku neyi wunaloñeshi makadi amazu
- Mwekeshaku kuchinda yikunku yamazu mumazu chidi neyi: izu kadidi didi nayikunku yamazu yisatu. **ka/di/di**
- Yinki atudizi makadi hadi mazu kulonda achindeña yikunku yamazu yidi mumazu

Chipimu Chanzatilu Chinakuhwelelewi

Yikunku yamazu yinachidewi mwaloña

Mutu wansaño muwihi

Iwu mutu wansaño wadiñi nakutala hadi atudizi kumwekesha

- ✓ Yivumina yansona
- ✓ Yivumina yansona muyatiyakenaña
- ✓ Yikunku yamazu
- ✓ mazu

Mutu Wansaño 3: Ntañilu Yayiwahi Kulumbulula

Iwu mutu wansaño wahantañilu wudi naniwu mutu wansaño wanyanya;
-kutaña

Iwu mutu wansaño wukukwasha atudizi kwiluka ntañilu yayiwahi kuhitila mukutaña

Kukoka yitoñozhoka yawatudizi

Kansi weyala wumu watambwilili mukanda kufuma kudi mandumi yindi. Dichi yena washili maana nakutala hatumasitampu twakutemeshela mukanda hohu nakutala chatutuñawu nawukalawenu. Chamanishiliyi kutala masitampu wawunatilili mufuba. Helukili nindi himukanda wakutambula nachu maliku muloña kwindi helukili kutañaku.

Mazu Alema

kutaña, mazu, ntañilu yayiwahi

Mutu wansaño wanyanya: Kutaña

Kulumbulula mutu wansaño wanyanya

Iwu mutu wansaño wanyanya wukukwasha atudizi ntañilu yayiwahi.

Chuma Chinakukuhwelelewa Atudizi Kwilukisha 1:

- Kutaña yikunku yamazu hewulu

Yikuyuñulu

Makadi ansona, makadi ayikunku yamazu, makadi amazu...

Yuma yalema yakulumbulula hakutañisha

- ✓ Nsona zhekala namazhina hiyanyanta yansona hohu (a e i o u), nsona zhinashali yekala hiyivumina.
- ✓ Mazu ezhima ekala akutuña nayikunku yamazu.

Zhakwila

Ntañishi

a) Kutaña yikunku yamazu (m,h,w)

- Monaku neyi wunaloñeshi makadi ayikunku yamazu
- Mwekeshaku kutañila yikunku yamazu hewulu
- Kadizi wumu wumu enzeña kumbidi nakutañila hewulu yikunku yamazu kufuma mufuba yayikunku yamazu.

Atudizi

- Enzi wumu-wumu kumbidi nakutañila hewulu yikunku yamazu kufuma mufuba yayikunku yamazu.

Chipimu Chanzatilu Yinakuhwelelewi

Yikunku yamazu yinatañewi mwaloña

Chuma Chinakukuhwelelewa Atudizi Kwilukisha 2:

- kutañila mazu hewulu nakuyitena chachiwahi.

Yikuyuñulu

Makadi amazu...

Yuma yalema yakulumbulula hakutañisha

- ✓ Yivumina yansona yekala mumazanvu ayedi, anyanta natutumwa.
- ✓ Mazu ezhima ekala akutuña nayikunku yamazu.

Zhakwila

Ntañishi

a) Kutaña mazu (m,h,w)

- Loñeshaku makadi nakuyisha mufuba yamazu
- Mwekeshaku kunona nakutañila izu hewulu
- Kadizi wumu -wumu enzeña kumbidi nakutañila mazu hewulu kufuma mufuba yamazu.

Atudizi

- Enzi wumu-wumu kumbidi nakutañila mazu hewulu kufuma mufuba yamazu.

Chipimu Chanzatilu Yinakuhwelelewi

Mazu anatañewi mwaloña

Mutu wansañu muwihi

Iwu mutu wansañu wadiña hadi atudizi kumwekesha:

- ✓ Kutañila yikunku yamazu hewulu
- ✓ Kutañila mazu hewulu

MAZU AKUTAÑA

Mutu wansañu: Mazu

Kulumbulula:

Iwu mutu wansañu hamazu wudi naniwu mutu wansañu wanyanya;

- Kwiluka mazu

Iwu mutu wansañu wukukwasha kwiluka mazu kuhitila mukutweshwa kutaña mazu.

Kukoka yitoñozhoka yawatudizi:

Kwekala kansi wamubanda wakeña kutaña nankashi nindi kulonda akekali ntañishi. Dichi yena hefuku hefuku chakudizawu izu kushikola, yena wayaña nakumutañisha nkaka yindi. Dichi chituñilu chawu chezhima anakuhayama kashinakazhi weluka kutaña.

Mazu Alema

- Mazu
- Kutaña
- Kwiluka

Mutu wansaño wanyanya: Kwiluka mazu

Kulumbulula mutu wansaño wanyanya:

Iwu mutu wansaño wanyanya wukukwasha atudizi mwakutañila nakwiluka mazu.

Chuma Chinakukuhwelelewa Atudizi Kwilukisha

- Kwiluka mazu apela hela aswayi

Yikuyuñulu

Makadi amazu

Yuma yalema yakulumbulula hakutañisha

- ✓ Mukusoneka, mazu twayambulaña nakushiya maluña mukachi.

Zhakwila

Ntañishi

a) Kwiluka mazu kuzatisha kushiya maluña hakachi kamazu (**m,h,w**)

Monaku neyi wunaloñeshi nyikuku yamazu yinabuli maluña mukachi kamazu

Mwekeshaku mwakushila maluña munyikuku yamazu

Monaku neyi atudizi anakutena hatela kwikala maluña munyikuku yamazu

Chipimu Chanzatilu Chinakuhwelelwi

- ✓ Mazu anelukewi mwaloña kuzatisha maluña.

Mutu Wansaño Muwih

Iwu mutu wansaño wadiña hadi atudizi kumwekesha;

- ✓ Kushiya maluña hela mapwata mukachi kanyikuku yamazu

KUTAÑA NAKANAÑACHIMA

Mutu wansaño: Kutiyilila Nakanañachima

Kulumbulula:

Iwu mutu wansaño hakutiyilila nakanañachima wudi naniwu mutu wansaño wanyanya;

- yitoñozhoka yatandumuka chantesha

Iwu mutu wansaño wukukwasha atudizi kutiyilila nakanañachima kuhitila mukutweshha kutiyilila chachiwahi.

Kukoka yitoñozhoka yawatudizi

Lezhaku atudizi nsaño yayihi kufumahu wuyihuli malwihu kulonda wutiyi neyi anatiyilileña.

Mazu Alema

- Kanañachima
- Kuhosha
- Kutiyilila

Mutu wansaño wanyanya - Kutoñozhoka kwatandumuka chantesha

Kulumbulula mutu wansaño wanyanya:

Iwu mutu wansaño wanyanya wukukwasha atudizi mwakwakwila malwihu hanyima yakutiyilila nakanañachima.

Chuma Chinakukuhwelelewa Atudizi Kwilukisha:

- Kutoñozhoka kwatandumuka chantesha kufuma kuwunsahu wunatambuluwu

Yikuyuñulu

Nyikanda yatuheka, yipapilu yansaño

Yuma yalema yakulumbulula hakutañisha

- ✓ Muntu watela kwikala wakasunuka nakwidisha yitoñozhoka.
- ✓ Kukunjika chuma chalumbuluka kuwana munalumbulukili chuma chinabuli kutenawu hatooka.

Zhakwila

Ntañishi

- a. Kutoñozhoka mwatandumuka chantesha kufuma kuwunsahu wunatambuluwu chidi neyi kumanisha kaheka
- Shimwinaku atudizi kaheka kakihi kakukumishila hakachi
 - Lezhaku atudizi kweseka kukimanisha kweseka nayitoñozhoka yawu

Kaheka

Kawumba washakamaña nankaaka yindi,
Nkaaka yindi wamulezhaña tuheka namelela.

Wamulezhaña tuheka muchota.

Tuheka twekala twatuwahi,

.....

Atudizi

- Eseki kumanisha kaheka kanayilezhiwu kudi ntañishi kweseka nayitoñozhoka yawu.

Chipimu Chanzatilu Chinakuhwelelwi

- ✓ Yitoñozhoka yatandumuka chantesha kufuma kuwunsahu wunatiyiwu yinashimunewi mwatelela

Mutu Wansañu Muwihi

Iwu mutu wansañu wadiña hadi atudizi kumwekesha;

- ✓ yitoñozhoka yatandumuka chantesha

KUSONEKA

Mutu wansaño: Chizala

Kulumbulula:

Iwu mutu wansaño hachizala wudi naniyi nyitu yansaño yanyanya;

- kusoneka nsona
- kusoneka chakubula kusha nyikila

Iwu mutu wansaño wukukwasha atudizi kwiluka kusoneka nachizala chachiwahi.

Kukoka yitoñozhoka yawatudizi:

Imbenu kamina kakundama kuchizala

Mazu Alema

- Nsona
- Chizala
- Kusoneka
- Kutaña
- Nsonekeshi

Mutu wansaño wanyanya 1: Kusoneka nsona

Kulumbulula mutu wansaño wanyanya:

Iwu mutu wansaño wanyanya wukukwasha atudizi kwiluka mwakusonekela nsona.

Chuma Chinakukuhwelelewa Atudizi Kwilukisha

- Kusoneka nsona (**m,h,w** ,)

Yikuyuñulu

Makadi ansona

Yuma yalema yakulumbulula hakutañisha

- ✓ Nsona yekala nakwakuyitachikila kusoneka nikwakuyikumishila

Zhakwila

Ntañishi

a. Kukopolola mashepu (m,h ,w)

- Mwekeshaku mwakusonekela shepu yinakundami kuniyi yivumina yansona yatañawu dehi.
- Lezhaku atudizi neyi lelu tunakuya nakudiza kusoneka mashepu.
- Lezhaku atudizi aleñi mashepu amboka adi neyi maseko, masikweya.
- Yilezhi aleñi yinjikizhilu yikwawu yidi neyi tutumbwa.
- Yitalishi nyevulu yinakumwekesha mashepu analeñiwu akwawu atudizi.
- Monaku neyi atudizi anakopololi mashepu chaloña

Atudizi

- Aleñi mashepu amboka adi neyi maseko, masikweya.
- Aleñi yinjikizhilu yikwawu yidi neyi tutumbwa.
- Akopololi mashepu chaloña.

Chipimu Chanzatilu Chinakuhwelelewi

Mashepu anakopololewi mwaloña

b) Kusoneka mapatani (m,h,w)

- Loñeshaku nyevulu yamapatani kulonda wumwekeshi kudi atudizi.
- Mwekeshaku mwakusonekela mapatani habodi.
- Lezhaku atudizi ayedi hela asatu amwekeshi mwakusonekela mapatani habodi.
- Shaku atudizi mumazanvu kulonda asoneki mapatani elukawu.

Chipimu Chanzatilu Chinakuhwelelewi

- Mapatani anasonekewi mwaloña.

c. Kukopolola nsona (m,h, w)

- Loñeshaku makadi ansona
- Mwekeshaku nsona kudi atudizi.
- Yitalishi mwakusonekela nsona.
- Kadizi wumu hela ayedi amwekeshi mwakusonekela nsona
- Yinki nsona zhambuka kulonda asoneki.

Chipimu Chanzatilu Chinakuhwelelewi

- Nsona yinasonekewi mwaloña

Mutu wansañu wanyanya 2: Chizala chakubula kushaku nyikila

Kulumbulula mutu wansañu wanyanya:

Iwu mutu wansañu wanyanya wukukwasha atudizi kwiluka mwakusonekela chizala chakubula kusha nyikila.

Chuma Chinakukhwelelewa Atudizi Kwilukisha:

- Kusoneka mazu muchizala chachiwahi.

Yikuyuñulu

Nyevulu yinakumwekesha chizala, kuzatisha makina amaana amaha

Yuma yalema yakulumbulula hakutañisha

- ✓ Nsona yekala nakwakuyitachikila kusoneka nikwakuyikumishila Kusoneka nachizala chachiwahi kwakwashaña antu kumona chachiwahi zhinasonekewi.

Zhakwila

Ntañishi

a) Kukopolola mazu nachizala chakubula kusha nyikila

- Monaku neyi wunaloñeshi mazu.
- Mwekeshaku mwakusonekela chizala chakubula kusha nyikila.
- Yinki atudizi mazu kulonda ayisoneki muchizala chakubula nyikila

Chipimu Chanzatilu Chinakuhwelelewi

- Mazu anakopololewi muchizala chakubula kushaku nyikila mwaloña.

Mutu wasañu muwih

Iwu mutu wansañu wunadiñi hadi atudizi kumwekesha;

- kusoneka nsona.
- kusoneka nsona nachizala chakubula kushaku nyikila.

CHIBALU: KWIHULA NAKULUMBULULA

Mutu wansañu: Kuhanjeka

Kulumbulula

Iwu mutu wansañu wakuhanjika wudi naniwu mutu wansañu wanyanya;

-wunsahu nakulumbulula.

Iwu mutu wansañu wukukwasha atudizi kwiluka hakuhana nakulumbulula wunsahu.

Kukoka yitoñozhoka yawatudizi:

Kwekala nyikala yimu yamwekana kudiloñesha chiwahi mwelilañawu yuma. Dichi ninyikala yawu yamwekana kulumbuluka. Yumanyi yatela kwilawu antu kulonda nyidimu hela nshakaminu hamukala yikali yalumbuluka?

Mazu Alema

- Kuhanjeka
- wunsahu
- kulumbulula

Mutu wansañu wanyanya: Wunsahu nakulumbulula

Kulumbulula mutu wansañu wanyanya:

Iwu mutu wansañu wanyanya wukukwasha atudizi mwakushimwina wunsahu nikulumbulula:

Chuma Chinakukhwelelewa Atudizi Kwilukisha 1:

- Kuzatisha nyikuku yamazulu hakuhana wunsahu.

Yikuyuñulu

Nyevulu yawantu anakuhanjeka

Yuma yalema yakulumbulula hakutañisha

- ✓ Hakuhana wunsahu muntu watela kulumbulula chachiwahi.

Zhakwila

Ntañishi

a. Kukumisha nyikuku yamazulu mukuhosha hohu

- Lezhaku atudizi neyi antu azataña nyidimu yamboka. Dichi tuñaku mukuku wamazulu chidi neyi: Mandumi watehunaña menzhi.
- Lezhaku atudizi atuñi nyikuku yamazulu mukuhosha hohu hanyidimu yazatañawu kumukala (ami nakosaña yeña, kukomba hanzhi, kuchaya nchawa)

Chipimu Chanzatilu Chinakuhwelelewi

Nyikuku yamazulu yakuhosha hohu yinamanishewi mwaloña

b. Kutuña nyikuku yamazulu yakuhosha hohu kuzatisha nyevulu

- Loñeshaku chadimu nyevulu yawantu anakuzata nyidimu yamboka.
- Mwekeshaku mwevulu kudi atudizi hadi antu anakuzata nyidimu yamboka.
- Yihuli atudizi ashimuni yuma yidi nakumwekana hamwevulu. Atudizi atali zhidi nakumwekana, nkumininaku ateni yuma yidihu.

c. Kutuña nyikuku yamazu mukuhosha hohu kufuma kuyilombola chantesha chakadi kuchitena ochu chuma chacheni.

Chipimu Chanzatilu Chinakuhwelelewi

Nyikuku yamazu mukuhosha hohu yinatuñewi mwatela.

Chipimu Chanzatilu Chinakuhwelelewi

Nyikuku yamazu yinatuñewi mwaloña kuzatisha kuyilombola chantesha.

Chuma Chinakuhwelelewa Atudizi Kwilukisha 2:

- Kwihula malwihu ashikilamu kulonda achitiyishi chiwahi nakukwata kashinshi.

Yikuyuñulu

Nyevulu yawantu anakuhanjeka

Yuma yalema yakulumbulula hakutañisha

Hakuhana wunsahu muntu watela kulumbulula chachiwahi.

Zhakwila

Ntañishi

a) Kwihula nakwakula malwihu

- Lezhaku atudizi ekali ayedi-ayedi adihuli nakwakula malwihu
- Monaku neyi atudizi anakwila yuma yoloka
- Ololaku atudizi akusempuka.

Chipimu Chanzatilu Chinakuhwelelewi

Malwihu akuhosha hohu anehulewi nakwakuñewa mwaloña.

Mutu wansaño muwih

Iwu mutu wansaño wunadiñi hadi atudiza kumwekesha;

- ✓ Kuzatisha nyikuku yamazu hakuhana wunsahu.
- ✓ Kwihula malwihu ashikilamu kulonda achitiyishi chachiwahi nakukwata kashinshi.

KUTAÑA

Mutu wansaño 1: Kwiluka nsona niyivumina (t, y, ñ, d)

Kulumbulula

Iwu mutu wansaño hakwiluka yivumina yansona wudi naniyi nyitu yansaño yanyanya;

1. Kwiluka yivumina yansona
2. Kwiluka nsona

Iwu mutu wansaño hakwiluka nsona niyivumina wukukwasha atudizi kwiluka kutaña

Kukoka yitoñozhoka yawatudizi

Yuma yamboka yadiñi nakuditadikisha, atuda, nyitond, motoka ninsona. Atuda diwu atachikili nawu, etu twedishaña yivumina, nyitond niyena nayu ninetu neyi mpeepela yinakukunka twedishaña yivumina kumafu, motoka hiyadiñi nayu, amiyami naswezha kwidisha yivumina. Hadiña nsona nindi, wezhima wenu hadi mpinji yimwamwenaña ilaña ami wumi wami wezhima hikuvuma. Akwawu ahayamini nawu komana nsona wekala nachivumina?

Mazu Alema

- Kwidisha
- Nsona
- Chivumina
- Mazu

Mutu wansaño wanyanya 2: Yikunku yamaz

Kulumbulula mutu wansaño wanyanya

Iwu mutu wansaño wanyanya wukukwasha atudizi kwiluka mwakutenena yikunku yamaz

Chuma Chinakukuhwelelewa Atudizi Kwilukisha:

- Kutena yikunku yamaz

Yikuyuñulu

Makadi ayikunku yamazu

Yuma yalema yakulumbulula hakutañisha

- ✓ Chikunku chezu achituñaña nachivumina chakatumwa hela kapasu nimwanta wansona.

Zhakwila

Ntañishi

- a. Kutena yikunku yamazu yidi mumazu akuhosha hohu.
- Monaku neyi wunaloñeshi chati hela makadi amazu amavulu.
- Yinki atudizi mazu kulonda ateni yikunku yamazu yidi mumazu mukuhosha hohu.
- Neyi atudizi anakutena yikunku yamazu yileki atwalekuhu, ilaña neyi anakukañanya yilomboli mwakutenena yikunku yamazu kulonda atwalekuhu.

Atudizi

- Ateni yikunku yamazu yidi mumazu mukuhosha hohu.

Chipimu Chanzatilu Chinakuhwelelewi

Yikunku yamazu mumazu yinatenezi mwaloña

- b. Kuhema chisela chakuchinda yikunku yamazu yidi mumazu.

Ntañishi

- Loñeshaku makadi amazu hela fuba yamazu.
- Yinki atudizi mazu kulonda achindi yikunku yamazu yidi mumazu chidi neyi; Izu ; **'ka/ko/hu'** didi nayikunku yamazu yisatu.
- Yinki mumazanvu ahemi chisela chakusakilila nakuchinda yikunku yamazu mumazu.

Atudizi

- Achindi yikunku yamazu yidi mumazu chidi neyi; Izu ; **'ka/ko/hu'** didi nayikunku yamazu yisatu.

Chipimu Chanzatilu Chinakuhwelelewi

Chisela chakuchinda yikunku yamazu chinahemewi mwatelela

- c. Kutuña mazu mukuhosha hohu kuzatisha yikunku yamazu

Ntañishi

- Yinki atudizi yikunku yamazu atuñi mazu. Neyi anakutuña mazu yikoleshi atwalekuhu.
- Neyi anakukañanya, yilezhiku atudizi mwakunuñila yikunku yamazu mukuhosha hohu nakutuña mazu.

- Monaku neyi anakutuña nimazu alumbuluka.

Atudizi

- Atuñi mazu mukuhosha hohu kuzatisha yikunku yamazu.

Chipimu Chanzatilu Chinakuhwelelewi

Mazu akuhosha hohu anatuñewi mwaloña kuzatisha yikunku yamazu.

- d. Kuhema chisela chakutuña mazu kuhitila mukufumisha nakuhiñisha chikunku chezu.

Ntañishi

- Yinki atudizi yikunku yamazu nimazu mufuba.
- Mwekeshaku kufumisha chikunku chezu chimu nakufuntishamu chacheñi.
- Shaku atudizi mumazanvu nakuyinka makadi amazu kulonda afumishi nakuhiñisha yikunku yamazu.

Atudizi

- Afumishi nakuhiñisha yikunku yamazu, mumazanvu.
- Ahemi yisela yakufumisha yikunku yamazu nakuhiñishamu yikwawu.

Chipimu Chanzatilu Chinakuhwelelewi

Yisela yakutuña mazu yinahemewi mwatelela

Chuma Chinakuhwelelewa Atudizi Kwilukisha

- Kutena nsona niyivumina

Yikuyuñulu

Makadi ansona, makadi ayivumina

Yuma yalema yakulumbulula hakutañisha

- ✓ Yivumina yansona yekala mumazanvu ayedi, anyanta natutumi.
- ✓ Mazu ezhima ekala akutuña nayivumina.

Zhakwila

a. Kwidisha chivumina chatachi mumazu akuhosha hohu.

Ntañishi

- Loñeshañahu dehi mazu akuzatisha
- Lumbululaku mwakwidishila chivumina chatachi chidi mwizu kuzatisha izu diwukutonda
- Yishi atudizi mumazanvu hela ayedi ayedi edishi yivumina yatachi kumazu iwukuyinka.

Atudizi

- Edishi yivumina yatachi kumazu iwukuyinka.

Chipimu Chanzatilu Chinakuhwelelewi

Yivumina yatachi mumazu yinatenezi mwaloña mukuhosha hohu

b. Kuwana chivumina chakunsa yezi mukuhosha hohu.

Ntañishi

- Lumbululaku mwakuwanina chivumina chakunsa mwizu. Chidi neyi izu: **'mukeki'** wukulumbulula neyi /i/ dichi chivumina chidi kunsa yezi.
- Yinki mazu iwaloñesha dehi mumazanvu hela ayedi ayedi awaneña nakutena yivumina yidi kunsa yamazu.

Atudizi

- Awaneña nakutena yivumina yidi kunsa yamazu, mumazanvu.
- Awaneña nakutena yivumina yidi kunsa yamazu, ayedi-ayedi.

Chipimu Chanzatilu Chinakuhwelelewi

Chivumina chansona kunsa yamazu chinatenezi mwaloña mukuhosha hohu

c. Kuhema yisela yakwiluka yivumina yansona kuzatisha kufumisha nakuhiñishamu nsona.

Ntañishi

- Lumbululaku mwakuhemena ichi chisela
- Sonekaku izu **bola** habodi nakuditaña, Lezhaku atudizi neyi; neyi wukufumisha nsona **b** nakuhiñishamu nsona **k** wukutuña izu **kola**.
- Yinki atudizi mazu ninsona ahemi chisela. Monaku neyi anakuhema chachiwahi.

Atudizi

- Ahemi yisela yakufumisha nakuhiñishamu nsona yamboka.

Chipimu Chanzatilu Chinakuhwelelewi

Yisela yakufumisha nakuhiñishamu nsona yinahemewi mwatelela

- e. Kuzatishi mazu mudi yivumina yadifwana muntiyakenu kulonda kudiza yivumina yansona.

Ntañishi

- Lumbululaku neyi mpinji zhiqwawu mazu adi nayivumina yadifwana anatweshi kuyizatishila hohamu chidi neyi;

'Kabobobu wabobola na Kabobola

Atudizi

- *Azatishi mazu adi nayivumina yadifwana mutiyakenu kulonda kudiza yivumina yansona.*

Chipimu Chanzatilu Chinakuhwelelewi

Mazu mudi yivumina yadifwana muntiyakenu anazatishewi mwaloña.

Mutu Wansaño 2: Yivumina Yansona Muyatiyakenaña Kulumbulula

Iwu mutu wansaño wahayivumina yansona muyatiyakenaña wudi naniyi nyitu yansaño yanyanya

1. Yivumina yansona
2. Yikunku yamazu
3. Mazu

Iwu mutu wansaño wukukwasha atudizi kwiluka kwidisha yivumina yansona.

Kukoka yitoñozhoka yawatudizi

Atunyama apompeli kulonda atiyi kanyama wumu yodihi wedishaña chivumina chachiwahi. Dichi watachikili kapela nindi; ssssss! Hadiñi chuula. Kelechikelechi! Kutiya ikolukolu nindi kolu...kolu. Dichi ahosheli nawu indi tunakuditadikishiladi henohu ezhima wetu Nzambi watuleña mwamboka? Chidi neyi chekala nsona, yidi yezhima yikweti chivumina chayu nawa kosi wabobweshaña mukwawuku.

Mazu Alema

- Kwidisha
- Nsona
- Chivumina
- Kutiyakana
- Kutena

Mutu wansaño wanyanya 1: Yivumina yansona

Kulumbulula mutu wansaño wanyanya

Iwu mutu wansaño wanyanya wukukwasha atudizi kwiluka mwakwidishila yivumina yansona

Chuma Chinakuhwelelewa Atudizi Kwilukisha

- Kwidisha yivumina yansona.

Yikuyuñulu

Makadi ayivumina yansona

Yuma yalema yakulumbulula hakutañisha

- ✓ Chivumina chidi chezhima mudi mutwachidishilaña
- ✓ Yidi yamuzhimba yazatikaña hakwidisha yivumina.

Zhakwila

Ntañishi

a. Kwidisha yivumuna yansona

- Yinki atudizi makadi ansona edishi yivumina yansona.
- Neyi anakukañanya, yinki chitalilu nakumwekesha kwidisha chivumina chidi neyi; chivumina nsona /w/.
- Yinki atudizi makadi ansona kulonda edisheña yivumina yansona kufuma hayivumina yadizawu dehi.

Atudizi

- Edishi yivumina yansona kufuma hayivumina yadizawu dehi.

Chipimu Chanzatilu Chinakuhwelelewi

Yivumina yansona yinedishewi mwaloña

b. Kutena yivumina yansona

Ntañishi

- Loñeshaku makadi adi nansona amavulu (nsona zhadizawu dehi).
- Mwekeshaku kutena yivumina yansona yiwunakutañisha haniyi mpinji kudi atudizi.
- Yishi ekali ayedi ayedi kulonda wuyinki makadi ansona ateneña yivumina yansona yidi hamakadi.

Atudizi

- Ateni yivumina yansona yidi hamakadi, ayedi-ayedi.
- Ateni yivumina yansona yidi hamakadi, wumu-wmu.

Chipimu Chanzatilu Chinakuhwelelewi

Yivumina yansona yinatenelewi mwaloña

c. Kusakula nakwambula nsona

- Loñeshelañahu dehi makadi amavulu hadi nsona
- Mwekeshaku kusakula nakwambula nsona
- Yinki atudizi mabokisi mudi makadi amavulu ansona mumazañvu ambuleña nakusha nsona zhadifwana hamu.
- Monaku neyi atudizi anasakuli nsona chaloña.

Chipimu Chanzatilu Chinakuhwelelewi

Nsona yinasakulewi mwatelela

Mutu wansañu wanyanya 2: Yikunku yamazu

Kulumbulula

Iwu mutu wansañu wanyanya wukukwasha atudizi kutuña yikunku yamazu kuhitila mukubomba katumwa namwanta wansona.

Chuma Chinakukuhwelelewa Atudizi Kwilukisha

- Kubomba tutumwa nawanyanta yansona nakutuña yikunku yamazu.

Yikuyuñulu

Makadi adi natutumwa, makadi adi nawanyanta

Yuma yalema yakulumbulula hakutañisha

- ✓ Chikunku chamazu chafumaña kukubomba tutumwa nawanyanta

Zhakwila

Ntañishi

- a. Kutuña yikunku yamazu kufuma kututumwa nanyanta yansona
 - Monaku neyi wunaloñeshi makadi ansona amavulu.
 - Yinki nsona zhazhivulu atuñi yikunku yamazu.
 - Neyi anakukañanya, mwekeshaku kutuña chikunku chezu kuzatisha katumwa nimwanta wansona
 - Yinki atudizi mabokisi mudi nsona mumazanvu kulonda atuñeña yikunku yamazu.

Atudizi

- Atuñi yikunku yamazu kuzatisha makaadi.

Chipimu Chanzatilu Chinakuhwelelewi

Yikunku yamazu yinatuñewi kufuma kututumwa ninyanta yansona mwaloña

- b. Kutaña hachati yayikunku yamazu

Ntañishi

- Loñeshaku chati hadi yikunku yamazu
- Yishi atudizi mumazanvu hela ayedi ayedi nakuyinka chati yayikunku yamazu kulonda atañi.
- Monaku neyi anakutaña chachiwahi. Neyi anakuluwañesha yikwashi kutaña mwaloña

Atudizi

- Atañi yikumku yamazu hachati mumazanvu.
- Atañi yikumku yamazu hachati ayedi-ayedi.
- Atañi yikumku yamazu hachati wumu-wumu.

Chipimu chanzatilu chinakuhwelelewi

Chati yayikunku yamazu yinatañewi mwaloña.

- c. Kusakula nakwambula yikunku yamazu.

Ntañishi

- Loñeshelañahu dehi makadi ayikunku yamazu amavulu
- Yinki atudizi yikunku yamazu asheña yadifwana hamu.
- Yinki atudizi mabokisi mudi makadi ayikunku yamazu mumazanvu kulonda ambuleña nakusha yikunku yamazu yadifwana hamu.
- Monaku neyi atudizi anasakuli yikunku yamazu chachiwahi.

Atudizi

- Ashi yikunku yamazu yadifwana hamu.

Chipimu Chanzatilu Chinakuhwelelewi

Yikunku yamazu yinasakulewi nakwambulewa mwatelela

d. Kufumishahu nsona nakuhiñishahu yikwawu

Ntañishi

- Loñeshaku makadi ansona ni makadi amazu. (Monaku neyi makadi amakwawu akwikala ayedi hela asatu nezu dodimu. Ilaña izu dimu hakwikala nsona yinafumishiwu.
- Yinki atudizi afumisheña nakuhiñisha. Neyi anakañanyi, mwekeshaku kusha nsona mwizu munabuli nsona nakutuña izu dacheñi.
- Yinki atudizi mumazanvu kulonda asheña nsona mumazu munabuli nsona nakutuña mazu amaha anambuki nanowu amakwawu akutuña dehi adi mubokisi.

Atudizi

- Afumishi nsona nakuhiñishamu mukwawu.
- Ashi nsona mumazu munabuli nsona nakutuña mazu amaha anambuki nanowu amakwawu akutuña dehi adi mubokisi.

Chipimu Chanzatilu Chinakuhwelelewi

Nsona zhinahiñishewi nakuhiñishewa mwaloña

✓ Kubomba tutumwa tuyedi nanyanta yansona kulonda kutuña yikunku yamazu

- Yinki yivumina yansona yidi natutumwa tuyedi kulonda ambombeñaku anyanta nakutuña yikunku yamazu. Neyi anakañanyi, mwekeshaku izu didi nachikunku chezu chikweti tutumwa tuyedi twadilondela chidi neyi izu; **chuma**

Chipimu Chanzatilu Chinakuhwelelewi

Yivumina yatutumwa tuyedi nawanyanta yinabombewi mwaloña

Mutu wansañu wanyanya 3: Mazu

Kulumbulula mutu wansañu wanyanya

Iwu mutu wansañu wanyanya wukukwasha atudizi mwakubombela yikunku yamazu nakutuña mazu

Chuma Chinakuhwelelewa Atudizi Kwilukisha

- Kubomba yikunku yamazu nakutuña mazu

Yikuyuñulu

Makadi ayikunku yamazu

Yuma yalema yakulumbulula hakutañisha

Mazu ayituñaña kuzatisha yikunku yamazu

Zhakwila

Ntañishi

a. Kubomba yikunku yamazu nakutuña mazu

- Lezhaku atudizi neyi tunakuya nakudiza chakubomba yikunku yamazu kulonda kutuña mazu.
- Yinki yikunku yamazu abombi nakutuña mazu.
- Neyi anakañanyi, sonekaku yikunku yamazu yiyedi habodi hela yitalishi makadi hadi yikunku yamazu yiyedi yambuka nakuyibomba kulonda yituñi izu chidi neyi; '**ma**' '**ha**' yikutuña '**maha**'

Atudizi

- Abombi yikunku yamazu nakutuña mazu.

Chipimu Chanzatilu Chinakuhwelelewi

Yikunku yamazu yinabombewi nakutuña mazu mwaloña

b. Kufumisha nakuhiñisha chikunku chezu

Ntañishi

- Loñeshaku mazu akuzatisha
- Yinki atudizi mazu niyikunku yamazu kulonda atuñi mazu. Neyi anakukañanya, mwekeshaku kufumisha nakuhiñisha chikunku chezu mwizu. Chidi neyi: izu '**kana**' neyi tufumishaku chikunku chezu '**ka**' nakuhiñishahu '**wa**', tukutuña izu dadiha **wana**
- Tambikaku kadizi wumu hela ayedi atalishi akwawu kufumisha nakuhiñisha chikunku chezu
- Yinki atudizi mabokisi mudi mazu niyikunku yamazu mumazanvu kulonda afumisheña nakuhiñisha yikunku yamazu.

Atudizi

- Afumishi nakuhiñisha chikunku chezu.
- Kadizi wumu hela ayedi atalishi akwawu kufumisha nakuhiñisha chikunku chezu.

Chipimu Chanzatilu Chinakuhwelelewi

Yikunku yamazu yinafumishewi nakuhiñishewa mwatelela

c. Kutena yikunku yamazu mumazu

Ntañishi

- Loñeshaku mazu amavulu akuzatisha
- Tachi, yihuli kuwana yikunku yamazu yidi mwizu: izu **wa/ ka/ ta**.

- Yinki atudizi makadi amazu kulonda ateni yikunku yamazu yidi mumazu iwunayinki

Atudizi

- Ashimuni yikunku yamazu yidi mwizu.
- Ateni yikunku yamazu yidi hamakaadi anayikuwu.

Chipimu Chanzatilu Chinakuhwelelewi

Yikunku yamazu yidi mumazu yinatenezi mwaloña.

d. Kuchinda yikunku yamazu

Ntañishi

- Monaku neyi wunaloñeshi makadi amazu.
- Yinki atudizi makadi hadi mazu kulonda achindi yikunku yamazu yidi mumazu hamakaadi.
- Yikwashi neyi anakukañanya kuchinda yikunku yamazu yidi mwizu.

Atudizi

- Achindi yikunku yamazu yidi mumazu hamakaadi.
- Achindi yikunku yamazu yidi mumazu, ayedi-ayedi niwumu-wumu.

Chipimu Chanzatilu Chinakuhwelelewi

Yikunku yamazu yinachindewi mwaloña

Mutu wansaño muwih

Iwu mutu wansaño wadiñi nakutala hadi atudizi kumwekesha

- ✓ Yivumina yansona
- ✓ Yivumina yansona muyatiyakenaña
- ✓ Yikunku yamazu
- ✓ Mazu

MUTU WANSANU 3: NTAÑILU YAYIWAHI

Kulumbulula

Iwu mutu wansaño wahantañilu wudi naniwu mutu wansaño wanyanya; -kutaña

Iwu mutu wansaño wukukwasha atudizi kwiluka ntañilu yayiwahi kuhitila mukutaña

Yuma yinakukuhwelelewi atudizi kwilukisha

Kadizi anakumukuhwelele hampinji yakudiza hela nakumishi dehi kudiza kumwekesha ntañilu yayiwahi kuhitila mukwila yuma yidi neyi;

- ✓ Kutiyanshana
- amwekeshi kuhosha, kutiyilila nikusoneka kwakuwahi
- azatishi nhoshelu yashikilamu hampinji zhamboka
- amwekeshi kuhosha nakulumbulula yuma chachiwahi
- ahoshi nakuhanjeka nawakwawu.
- ✓ Kutoñozhoka nakutuña yuma

- kulumbulula yitoñozhoka yindi kudi akwawu
- kwihula malwihu
- ✓ Kumanisha kukala
- kuzatisha maana a alufabeti nakutuña mazu amaha

Kukoka yitoñozhoka yawatudizi

Fwikizhaku neyi wunawani bokisi yayineni nankashi kanda wuyimoneñahu dehi. Chiwukushinkula kutala mudi mazu amu amaneni, amakwawu anyanya, makwawu akubalumuna. Indi dinu izu hichumanyi?

Mazu Alema

- kutaña
- mazu
- ntañilu yayiwahi

Mutu wansaño wanyanya: Kutañila hewulu

Kulumbulula mutu wansaño wanyanya

Iwu mutu wansaño wanyanya wukukwasha atudizi ntañilu yayiwahi.

Chuma Chinakukuhwelelewa Atudizi Kwilukisha 1:

- Kutaña yikunku yamazulu hewulu

Yikuyuñulu

Makadi/ kazhindilu kayikunku yamazulu,

Yuma yalema yakulumbulula hakutañisha

- ✓ Ntañilu yayiwahi hikutena yikunku yamazulu mwaloña

Zhakwila

Kutaña yikunku yamazulu

Ntañishi

- Monaku neyi wunaloñeshi makadi ayikunku yamazulu
- Mwekeshaku kutañila yikunku yamazulu hewulu
- Kadizi wumu wumu enzeña kumbidi nakutañila hewulu yikunku yamazulu kufuma mufuba yayikunku yamazulu.

Atudizi

- Enzi wumu-mumu kumbidi nakutañila hewulu yikunku yamazulu kufuma mufuba yayikunku yamazulu.

Chipimu Chanzatilu Yinakuhwelelewi

Yikunku yamazulu yinatañewi mwaloña

Chuma Chinakukuhwelelewa Atudizi Kwilukisha 2:

- Kutañila mazu hewulu nakuyitena chachiwahi

Yikuyuñulu

Makadi amazu

Yuma yalema yakulumbulula hakutañisha

- ✓ Ntañilu yayiwahi hikutena mazu mwaloña

Zhakwila

Ntañishi

Kutaña mazu

- Loñeshaku makadi nakuyisha mufuba yamazu
- Mwekeshaku kunona nakutañila izu hewulu
- Kadizi wumu wumu enzeña kumbidi nakutañila mazu hewulu kufuma mufuba yamazu.

Chipimu Chanzatilu Yinakuhwelelewi

Mazu anatañewi mwaloña

Mutu wansañu muwih

Iwu mutu wansañu wadiña hadi atudizi kumwekesha:

- ✓ Kutañila yikunku yamazu hewulu
- ✓ Kutañila mazu hewulu

MAZU AKUTAÑA

Mutu wansañu: Mazu

Kulumbulula:

Iwu mutu wansañu hamazu wudi naniwu mutu wansañu wanyanya;

- Kwiluka mazu

Iwu mutu wansañu wukukwasha kwiluka mazu kuhitila mukutweshu kutaña mazu.

Yuma yinakukuhwelelewa atudizi kwilukisha

Kadizi anakumukuhwelele hampinji yakudiza nineyi nakumishi dehi kudiza kumwekesha kwiluka kwila yuma yidi neyi;

- ✓ Kutiyanshana
- amwekeshi kuhosha, kutiyilila nikusoneka kwakuwahi
- azatishi nhoshelu yashikilamu hampinji zhamboka
- amwekeshi kuhosha nakulumbulula yuma chachiwahi
- ahoshi nakuhanjeka nawakwawu.
- ✓ Kutoñozhoka nakutuña yuma
- kulumbulula yitoñozhoka yindi kudi akwawu

- kwihula malwihu
 - ✓ Kufumba yitoñozhoka
- kutiyañana nawakwawu
- kuzatila hamu
- ✓ Yitoñozhoka yakunama
- kuzatila hamu mumazanvu nakuhanjeka

Kukoka yitoñozhoka yawatudizi:

Kuhema chisela chakutuña mazu kufuma kwizu dimu chidi neyi:

Ketula: tula, kula,

Mazu Alema

- Mazu
- Kutaña
- Kwiluka

Mutu wansaño wanyanya: Kwiluka mazu

Kulumbulula mutu wansaño wanyanya:

Iwu mutu wansaño wanyanya wukukwasha atudizi mwakutañila nakwiluka mazu.

Chuma Chinakukhwelelewa Atudizi Kwilukisha:

- Kwiluka mazu apela

Yikuyuñulu

Chati yamazu, makadi amazu

Yuma yalema yakulumbulula hakutañisha

- ✓ Kwiluka mazu hikwiluka yivumina niyikunku yatuñaña mazu

Zhakwila

Ntañishi

Kwiluka mazu kuzatisha kusha mapwata hela maluña hakachi kamazu

- Monaku neyi wunaloñeshi nyikuku yamazu yinabuli maluña mukachi kamazu.

- Mwekeshaku mwakushila maluña munyikuku yamazu.
- Monaku neyi atudizi anakutena hatela kwikala maluña munyikuku yamazu.

Atudizi

- Ateni hatela kwikala maluña munyikuku yamazu.

Chipimu Chanzatilu Chinakuhwelelwi

- ✓ Mazu anelukewi mwaloña kuzatisha maluña.

Mutu Wansaño Muwih

Iwu mutu wansaño wadiña hadi atudizi kumwekesha;

- ✓ Kushiya maluña hela mapwata mukachi kanyikunku yamazu

KUTAÑA NAKANAÑACHIMA

Mutu wansaño: Kutiyilila Nakanañachima

Kulumbulula:

Iwu mutu wansaño hakutiyilila nakanañachima wudi naniwu mutu wansaño wanyanya;

- yitoñozhoka yatandumuka chantesha

Iwu mutu wansaño wukukwasha atudizi kutiyilila nakanañachima kuhitila mukutwasha kutiyilila chachiwahi.

Kukoka yitoñozhoka yawatudizi:

Akulumpi ahoshaña nawu muntu wukweti maana amumwenaña kukutiyilila.

Mazu Alema

- Kanañachima
- Kuhosha
- Kutiyilila

Mutu wansaño wanyanya- Kutoñozhoka kwatandumuka chantesha

Kulumbulula mutu wansaño wanyanya:

Iwu mutu wansaño wanyanya wukukwasha atudizi mwakwakwila malwihu hanyima yakutiyilila nakanañachima.

Chuma Chinakukuhwelelewa Atudizi Kwilukisha:

- Kutoñozhoka mwatandumuka chantesha kufuma kuwunsahu wunatambuluwu

Yikuyuñulu

Nyikanda yatuheka

Yuma yalema yakulumbulula hakutañisha

- ✓ Kutiyilila nakanañachima kwakeñekañã chiña wikala mwiluña dakubula ipumba.

Zhakwila

Ntañishi

Kutoñozhoka mwatandumuka chantesha kufuma kuwunsahu wunatambuluwu chidi neyi kumanisha kaheka

- Shimwinaku atudizi kaheka kakihi kakukumishila hakachi
- Lezhaku atudizi kweseka kukimanisha nayitoñozhoka yawu

Chipimu Chanzatilu Chinakuhwelelwi

- ✓ Yitoñozhoka yatandumuka chantesha kufuma kuwunsahu wunatiyiwu yinashimunewi mwatelela

Mutu Wansañu Muwih

Iwu mutu wansañu wadiña hadi atudizi kumwekesha;

- ✓ yitoñozhoka yatandumuka chantesha

KUSONEKA

Mutu wansañu: Chizala

Kulumbulula:

Iwu mutu wansañu hachizala wudi naniyi nyitu yansañu yanyanya;

- kusoneka nsona
- kusoneka chakubula kusha nyikila

Iwu mutu wansañu wukukwasha atudizi kwiluka kusoneka nachizala chachiwahi.

Yuma yinakukuhwelelewa atudizi kwilukisha

Kadizi anakumukuhwelela hampinji yakudiza nineyi nakumishi dehi kudiza kumwekesha kwiluka kwila yuma yidi neyi;

- ✓ Yitoñozhoka yakunama
- kuzatila hamu mumazanvu nakuhanjeka
- kumanisha kukala
- amwekeshi maana akwiluka alufabeti hakutuña mazu amaha
 - ✓ Kutiyanshana
- amwekeshi kuhosha, kutiyilila nikusoneka kwakuwahi
- azatishi nhoshelu yashikilamu hampinji zhamboka
- amwekeshi kuhosha nakulumbulula yuma chachiwahi
- ahoshi nakuhanjeka nawakwawu.
 - ✓ Kutoñozhoka nakutuña yuma
- kulumbulula yitoñozhoka yindi kudi akwawu
- kwihula malwihu
 - ✓ Maana akwiluka yitoñozhoka yamboka
- kutiyañana nawakwawu
- kuzatila hamu

Kukoka yitoñozhoka yawatudizi:

Mazu Alema

- Nsona
- Chizala
- Kusoneka
- Kutaña
- Nsonekeshi

Mutu wansañu wanyanya 1: Kusoneka nsona

Kulumbulula mutu wansañu wanyanya:

Iwu mutu wansañu wanyanya wukukwasha atudizi kwiluka mwakusonekela nsona.

Chuma Chinakukuhwelelewa Atudizi Kwilukisha

- Kusoneka nsona

Yikuyuñulu

Mapensulu, nyikanda yakusonekamu, nyevulu yachizala, makina amaana amaha

Yuma yalema yakulumbulula hakutañisha

- ✓ Kwiluka kwatachikila nikwakumina nsona.
- ✓ Kwiluka kushakama chachiwahi.
- ✓ Kwiluka kukwata nsonekeshi

Zhakwila

a. Kukopolola mashepu

Ntañishi

- Loñeshaku nyevulu yamashepu yayivulu.
- Lezhaku atudizi aleñi mashepu amboka adi neyi maseko, masikweya.
- Yitalishi nyevulu yinakumwekesha mashepu analeñiwu akwawu atudizi.
- Monaku neyi atudizi anakopololi mashepu chaloña.

Atudizi

- Aleñi mashepu amboka adi neyi maseko, masikweya.
- akopololi mashepu chaloña.

Chipimu Chanzatilu Chinakuhwelelewi

Mashepu anakopololewi mwaloña

b. Kusoneka mapatani

- Loñeshaku nyevulu yamapatani hela kuketula mapatani.
- Lezhaku atudizi ayedi hela asatu amwekeshi mwakusonekela mapatani habodi. neyi anakukañanya yinki mapatani iwaketula eseki kufundulula
- Monaku neyi anakusoneka mapatani chachiwahi

Chipimu Chanzatilu Chinakuhwelelewi

- Mapatani anasonekewi mwaloña.

c. Kukopolola nsona

Ntañishi

- Loñeshaku makadi ansona (wunatweshi kuketula tuyiketw twansona kulonda kukwasha atudizi.)
- Mwekeshaku nsona kudi atudizi - yitalishi mwakusonekela nsona.
- Kadizi wumu hela ayedi amwekeshi mwakusonekela nsona
- Yinki nsona zhambuka kulonda asoneki.

Atudizi

- Amwekeshi mwakusonekela nsona.

Chipimu Chanzatilu Chinakuhwelelewi

- Nsona yinasonekewi mwaloña

Mutu wansaño wanyanya 2: - Chizala chakubula kushaku nyikila

Kulumbulula mutu wansaño wanyanya:

Iwu mutu wansaño wanyanya wukukwasha atudizi kwiluka mwakusonekela chizala chakubula kusha nyikila.

Chuma Chinakukhwelelewa Atudizi Kwilukisha

- Kusoneka mazu muchizala chachiwahi.

Yikuyuñulu

Mapensulu, nyikanda yakusonekamu, nyevulu yachizala, makina amaana amaha

Yuma yalema yakulumbulula hakutañisha

- ✓ Kwiluka kwatachikila nikwakumina nsona.
- ✓ Kwiluka kushakama chachiwahi.
- ✓ Kwiluka kukwata nsonekeshi

Zhakwila

Ntañishi

Kukopolola mazu nachizala chakubula kusha nyikila

- Monaku neyi wunaloñeshi mazu.
- Mwekeshaku mwakusonekela chizala chakubula kusha nyikila.
- Yinki atudizi mazu kulonda ayisoneki muchizala chakubula nyikila.

Atudizi

- Akopololi muchizala chakubula kusha nyikila.

Chipimu Chanzatilu Chinakuhwelelewi

- Mazu anakopololewi muchizala chakubula kushaku nyikila mwaloña.

Mutu wasaño muwih

Iwu mutu wansaño wunadiñi hadi atudiza kumwekesha;

- kusoneka nsona.
- kusoneka nsona nachizala chakubula kushaku nyikila.

CHIBALU: KUHOSHA NAWAKULUMPI

Muntu wansaño: Kujanjeka

Kulumbulula

Iwu mutu wansanu wudi naniwu mutu wansañu wanyanya:

-kuhanjeka

Iwu mutu wansañu wukukwasha atudizi kwilika kuhanjeka

Kukoka yitoñozhoka yawatudizi

Kwadiñi mwana wumu. Yena neyi muntu wezhima nakumuhoshesha, wakwileña chatama namazu akubula kavumbi. Hela akulumpi hela atwansi kwakula kwindi kwadiñi kwatama. Hela yililu yidi namuntu wezhima yadiñi yatama. Munachimoni ñahi hadi yililu ya Chizawu yayiwahi tahindi yatama?

Mazu Alema

- Kufukama
- Kavumbi
- Mukulumpi
- Kovwahila
- Kaleshesha
- Kufukama

Mutu wansañu wanyanya - Kuhanjika

Kulumbulula mutu wansañu wanyanya

Iwu mutu wansañu wanyanya wukukwasha atudizi kuhanjeka nakuhosha nawakulumpi.

Chuma Chinakukhwelelewa Atudizi Kwilukisha:

- Kuzatisha nhoshelu yashikilamu hakuhanjeka nawakulumpi.

Yikuyuñulu

Nyevulu yawantu anakuhanjeka

Yuma yalema yakulumbulula hakutañisha

- ✓ Kuzatisha mazu ashikilamu hela akaleshesha hakuhosha nawakulumpi.

Zhakwila

Ntañishi

- a. Kutena mazu ninyikuku yamazu yakuzatisha hakuhosha nawakulumpi.
- Yinki atudizi mumazanvu ateni mazu ninyikuku yamazu yazatishañawu neyi anakuhosha nawakulumpi
 - Inkaku mpinji kudi wudi wezhima wunakwimenaku izanvu kwimana nakutena mazu ninyikuku yamazu yazatishañawu hakuhosha nawakulumpi.
 - Neyi anakukañanya, lamikaku chati yachitalilu chamazu ninyikuku yamazu nakuyikwashaku atudizi chidi neyi;

mwani enu wena amukulumpi
tata yaya anwali mama

Nasakilili mwani
Mukulumpi waboma
Wena diwu anwali

Atudizi

- Ateni mazu ninyikuku yamazu yazatishañawu neyi anakuhosha nawakulumpi.

Chipimu Chanzatilu Chinakuhwelelewi

Mazu ninyikuku yamazu akuzatisha hakuhosha nawakulumpi
anatenewi mwaloña

- b. Kutena mazu ninyikuku yamazu yakuzatisha hakuhosha
nawamabwambu zhawu

Ntañishi

- Yinki atudizi mumazanvu ateni mazu ninyikuku yamazu yazatishañawu neyi anakuhosha nawakulumpi
- Inkaku mpinji kudi wudi wezhima wunakwimenaku izanvu kwimana nakutena mazu ninyikuku yamazu yazatishañawu hakuhosha nawakulumpi.
- Neyi anakukañanya, lamikaku chati yachitalilu chamazu ninyikuku yamazu nakuyikwashaku atudizi chidi neyi;

eyi ona yeyi twaya mukwetu

Iwu hibwambu dami
Izhina dey yeyinyi?

Atudizi

- Ateni mazu ninyikuku yamazu yazatishañawu neyi anakuhosha nawakulumpi.

Chipimu Chanzatilu Chinakuhwelelewu

Mazu ninyikuku yamazu akuzatisha hakuhosha nawamabwambu anatenewi mwaloña

c. Kuhema chisela chinakumwekesha kuhosha nakutiyilila kudi akulumpi namabwambu zhawu (anaweshi kuhosha hanyitu yansaño yidi neyi kukabisha anyana ni kuzatisha yitumbu yafwana.)

Ntañishi

- Wahishaku yuma yiwukukeña kuzatisha yidi neyi chati yamazu hela yanyikuku yamazu
- Yinki wumu wumu yipapilu hiwunasoneki zhikuhosha nhemi muchisela.
- Yinki mpinji atañi nakashinshi nakwiluka zhakuhoshañayi muchisela.
- Yikwashi ahemi chisala munazatisha nyitu yansaño yidi hewulu.

Atudizi

- Atañi nakashinshi nakwiluka zhakuhoshañayi muchisela
- Ahemi chisala chinakumwekesha kuhosha nakutiyilila..

Chipimu Chanzatilu Chinakuhwelelewi

Chisela chakuhosha nakutiyilila kudi akulumpi nimabwambu chinahemewi mwatelela.

Mutu wansaño muwihi

Iwu mutu wansaño wunadiñi hadi atudizi kumwekesha;

- ✓ Kuhosha nawakulumpi
- ✓ Kuhosha namabwambu
- ✓ Kuhema chisela chakuhosha nakutiyilila kudi akulumpi

KUTAÑA

Mutu wansaño 1: Kwiluka nsona niyivumina (p,z,f, s)

Kulumbulula

Iwu mutu wansaño hakwiluka yivumina yansona wudi naniyi nyitu yansaño yanyanya;

1. Kwiluka yivumina yansona
2. Kwiluka nsona

Iwu mutu wansaño hakwiluka nsona niyivumina wukukwasha atudizi kwiluka kutaña

Yuma Yinakukuhwelelewa Atudizi Kwilukisha

Kadizi anakumukuhwelelela kwila yuma yidi neyi:

- ✓ Kumanisha kukala
 - azatishi maana a alufabeti hakutuña mazu amaha
- ✓ Kuzatila hamu
 - kuzatila hamu nawakwawu mumazanvu
- ✓ Kutiyanshana
 - Amwekeshi kuhosha, kutiyilila nikusoneka kwakuwahi.
 - Amwekeshi kuhosha nakulumbulula yuma chachiwahi.
 - Ahoshi nakuhanjeka nawakwawu.

Kukoka yitoñozhoka yawatudizi

Mazu Alema

- Kwidisha
- Nsona
- Chivumina
- Mazu

Mutu wansaño wanyanya 2: Yikunku yamazu

Kulumbulula mutu wansaño wanyanya

Iwu mutu wansaño wanyanya wukukwasha atudizi kwiluka mwakutenena yikunku yamazu.

Chuma Chinakukuhwelelewa Atudizi kwilukisha

-Kutena yikunku yamazu.

Yikuyuñulu

Makadi ayikunku yamazu, chati yayikunku yamazu.

Yuma yalema yakulumbulula hakutañisha

- ✓ Yikunku yamazu ayituñaña kubomba yivumina yatutumwa hela tupasu nanyanta yansona.

Zhakwila

Ntañishi

a. Kutena yikunku yamazu yidi mumazu mukuhosha hohu.

- Monaku neyi wunaloñeshi chati hela makadi amazu amavulu
- Yinki atudizi mazu kulonda ateni yikunku yamazu yidi mumazu mukuhosha hohu
- Neyi atudizi anakutena yikunku yamazu, yileki atwalekuhu, ilaña neyi anakukañanya, mwekeshaku mwakutenena yikunku yamazu.

Atudizi

- Aloñeshi chati hela makadi amazu amavulu.

Chipimu Chanzatilu Chinakuhwelelewi

Yikunku yamazu yinatenezi mwaloña

b. Ahemi chisela chakuchinda yikunku yamazu yidi mumazu.

Ntañishi

- Monaku neyi wunaloñeshi makadi amazu hela fuba yamazu.
- Yinki atudizi mazu kulonda achindi yikunku yamazu yidimu.
- Yinki mumazanvu ahemi chisela chakusakilila nakuchinda yikunku yamazu mumazu.

Atudizi

- Achindi yikunku yamazu yidimu

Chipimu Chanzatilu Chinakuhwelelewi

Chisela chakuchinda yikunku yamazu chinahemewi mwatelela

c. Kutuña mazu mukuhosha hohu kuzatisha yikunku yamazu

Ntañishi

- Yinki atudizi yikunku yamazu atuñi mazu. Neyi anakutuña mazu yikoleshi atwalekuhu.
- Neyi anakukañanya, lezhaku kadizi mukwawu abombi yikunku yamazu mukuhosha hohu nakutuña mazu.
- Monaku neyi anakutuña mazu alumbuluka.

Atudizi

- Atuñi mazu alumbuluka.

Chipimu chanzatilu chinakuhwelelewi

Mazu akuhosha hohu anatuñewi mwaloña kuzatisha yikunku yamazu.

d. Kuhema chisela chakutuña mazu kuhitila mukufumisha nakuhiñisha chikunku chezu.

Ntañishi

- Mazu amaha twayituñaña kuhitila mukufumisha chikunku chezu nakuhiñishamu chikunku chezu chacheñi.
- Lezhaku kadizi wumu enzi amwekeshi kufumisha nakuhiñisha chikunku chezu mwizu.
- Mwekeshaku kufumisha chikunku chezu chimu nakufuntishamu chacheñi.
- Shaku atudizi mumazanvu nakuyinka makadi amazu kulonda afumishi nakuhiñisha yikunku yamazu nakutuña mazu amaha.
- Monaku neyi atudizi anakutuña mazu alumbunuka.

Atudizi

- Amwekeshi kufumisha nakuhiñisha chikunku chezu mwizu.
- Afumishi chikunku chezu chimu nakufuntishamu chacheñi
- Akutuñi mazu alumbunuka.

Chipimu Chanzatilu Chinakuhwelelewi

Yisela yakutuña mazu yinahemewi mwatelela

Mutu wansaño wanyanya 1: Kwiluka nsona

Kulumbulula mutu wansaño wanyanya

Iwu mutu wansaño wanyanya wukukwasha atudizi kwiluka nsona.

Chuma Chinakukuhwelelewa Atudizi Kwilukisha

- Kutena nsona niyivumina yayu.

Yikuyuñulu

Makadi ayikunku yamazu, chati yayikunku yamazu.

Yuma yalema yakulumbulula hakutañisha

- ✓ Yikunku yamazu ayituñaña kubomba yivumina yansona nanyanta yansona.

Zhakwila

Ntañishi

a. Kwidisha chivumina chatachi mumazu akuhosha hohu.

- Monaku neyi wunaloñeshi mazu amboka amavulu akuzatisha.
- Yilezhi atudizi ateni nsona zhidi kukutachika kwamazu amu iwukunona mufuba yamazu
- Yilezhi atudizi neyi izhi nsona zhikweti yivumina.
- Lumbululaku mwakwidishila chivumina chatachi chidi mwizu kuzatisha izu diwukutonda.
- Yinki atudizi mafuba amazu mumazanvu hela ayedi ayedi edishi yivumina yatachi kumazu iwukuyinka.

Atudizi

- Ateni nsona zhidi kukutachika kwamazu amu akumonawu mufuba yamazu.
- Edishi chivumina chatachi chidi mwizu kuzatisha izu dinatondiwu.

Chipimu Chanzatilu Chinakuhwelelewi

Yivumina yatachi mumazu yinatenezi mwaloña mukuhosha hohu

b. Kuwana chivumina chakunsa yezu mukuhosha hohu.

Zhakwila

Ntañishi

- Lumbululaku neyi izu dezima adituna nayivumina. Dichi dikweti yivumina. Kukutachika kwezu, hakachi nikunsa yezu.
- Yinki izu ateni yivumina yezhima yidi mwizu.
- Neyi anakutena yivumina, yikoleshi kutwalekahu, neyi anakukañanya, mwekeshaku nakutena yivumina yidi mwizu kufuma kukutachika nakushika kunsa yezu.
- Yinki mazu iwaloñesha dehi mumazanvu hela ayedi ayedi awaneña nakutena yivumina yidi kunsa yamazulu hohu.

Atudizi

- Ateni yivumina yezhima yidi mwizu.
- Awani nakutena yivumina yidi kunsa yamazulu hohu.

Chipimu Chanzatilu Chinakuhwelelewi

Chivumina chansona kunsa yamazulu chinatenezi mwaloña mukuhosha hohu.

c. Kuhema yisela yakwiluka yivumina yansona kuzatisha kufumisha nakuhiñishamu nsona.

Zhakwila

Ntañishi

- Monaku neyi wunaloñesheli chadimu makadi amazu amavulu mufuba hela mubokisi
- Yinki makadi ahemi chisela chakufumisha nakuhiñisha nsona nakutena mazu amaha anakutuñawu
- Monaku neyi anakufumisha nakuhiñisha nsona mwaloña. Neyi anakukañanya yilumbulwili mwakwila.
- Yinki atudizi mazu ninsona ahemi chisela. Monaku neyi anakuhema chachiwahi.

Atudizi

- Ahemi chisela nansona yinayinkiwu.

Chipimu Chanzatilu Chinakuhwelelewi

Yisela yakufumisha nakuhiñishamu nsona yinahemewi mwatelela

d. Kuzatisha mazu mudi yivumina yadifwana muntiyakenu kulonda kudiza yivumina yansona

Zhakwila

Ntañishi

- Shaku atudizi mumazanvu. Yilezhi eseki kuwana mazu akwikala nayivumina yansona yikudifwana muntiyakenu
- Lumbululaku neyi mpinji zhwawu mazu adi nayivumina yadifwana anatweshi kuyizatishila hohamu chidi neyi;
- **'Ifota amufota mufotu kukafotu'**
- Kuzatisha mazu adi mufuba yamazu, yilezhi atudizi ashi mazu adifwana hamu

Chipimu Chanzatilu Chinakuhwelelewi

Yivumina yansona yinatuñewi mwaloña

Mutu Wansaño 2: Yivumina Yansona Muyatiyakenaña Kulumbulula

Iwu mutu wansaño wahayivumina yansona muyatiyakenaña wudi naniyi nyitu yansaño yanyanya.

1. Yivumina yansona
2. Yikunku yamazu
3. Mazu

Iwu mutu wansaño wukukwasha atudizi kwiluka kwidisha yivumina yansona.

Yuma yinakuhwelelewa atudizi kwilukisha

Kadizi anakumukuhwelela kwila yuma yidi neyi:

- ✓ Kumanisha kukala
 - azatishi maana a alufabeti hakutuña mazu amaha
 - ✓ Kutiyanshana
 - amwekeshi kuhosha, kutiyilila nikusoneka kwakuwahi
 - azatishi nhoshelu yashikilamu hampinji zhamboka
 - amwekeshi kuhosha nakulumbulula yuma chachiwahi
 - ahoshi nakuhanjeka nawakwawu
-
- ✓ Kuzatila hamu
 - Kuzatila hamu nawakwawu mumazanvu.

Kukoka yitoñozhoka yawatudizi

Atudizi ahemi chisela chayivumina yansona.

Mazu Alema

- Kwidisha
- Nsona
- Chivumina
- Kutiyakana
- Kutena

Mutu wansaño wanyanya 1: Yivumina yansona

Kulumbulula mutu wansaño wanyanya

Iwu mutu wansaño wanyanya wukukwasha atudizi kwiluka mwakwidishila yivumina yansona

Chuma Chinakukuhwelelewa Atudizi Kwilukisha

- Kwidisha yivumina yansona.

Yikuyuñulu

Makaadi ayivumina yansona, makina amaana amaha.

Yuma yalema yakulumbulula hakutañisha

- ✓ Yivumina yamazu yekala nanomu mwayidishilañawu.

Zhakwila

Ntañishi

a. Kwidisha yivumuna yansona.

- Loñeshaku makadi ansona amavulu
- Yinki atudizi makaadi ansona edishi yivumina yansona
- Neyi anakañanya, ehuli akwawu atudizi kulonda ayikwashi kwidisha chivumina chansona.
- Yinki atudizi makaadi ansona mumazanvu kulonda edisheña yivumina yansona kufuma hayivumina yadizawu dehi.

Atudizi

- Edishi yivumina yansona yidi hamakaadi anayinkiwu.
- Edishi yivumina yansona yidi hamakaadi anayinkiwu, mumazanvu.

Chipimu Chanzatilu Chinakuhwelelewi

Yivumina yansona yinatenezi mwaloña

b. Kutena yivumina yansona

Zhakwila

Ntañishi

- Loñeshaku makaadi adi nsona amavulu (nsona zhadizawu dehi)
- Mwekeshaku kutena yivumina yansona yiwunakutañisha haniyi mpinji kudi atudizi
- Yishi ekali ayedi ayedi kulonda wuyinki makadi ansona ateneña yivumina yansona yidi hamakadi

Chipimu Chanzatilu Chinakuhwelelewi

Yivumina yansona yinatenezi mwaloña

c. Kusakula nakwambula nsona

Zhakwila

Ntañishi

- Loñeshañahu dehi makaadi amavulu hadi nsona.
- Shaku makadi ansona zhamboka hamu.
- Tambikaku kadizi wumu hela ayedi ambuli makadi ansona zhadifwana.
- Yinki atudizi makadi amavulu ansona mumazanvu ambuli nakusha nsona zhadifwana hamu.
- Monaku neyi atudizi anakwambula nsona chachiwahi.

Atudizi

- Kadizi wumu hela ayedi ambuli makadi ansona zhadifwana.
- Mumazanvu, ambuli nakusha nsona zhadifwana hamu.

Chipimu Chanzatilu Chinakuhwelelewi

Nsona yinasakulewi mwatelela.

Mutu wansaño wanyanya 2: Yikunku yamazu

Kulumbulula

Iwu mutu wansaño wanyanya wukukwasha atudizi kutuña yikunku yamazu kuhifila mukubomba katumwa namwanta wansona.

Chuma Chinakukhwelelewa Atudizi Kwilukisha

- Kubomba tutumwa nawanyanta yansona nakutuña yikunku yamazu.

Yikuyuñulu

Makadi ayikunku yamazu, chati yayikunku yamazu

Yuma yalema yakulumbulula hakutañisha

- ✓ Yikunku yamazu ayituñaña kubomba tutumwa nanyanta yansona.

Zhakwila

Ntañishi

- a. Kutuña yikunku yamazu kufuma kututumwa nanyanta yansona
- Loñeshaku makadi anyanta natutumwa.
 - Yinki makadi hadi tutumwa nanyanta kulonda abombi nakutuña yikunku yamazu.
 - Neyi anakukañanya, mwekeshaku kutuña chikunku chezu kuzatisha katumwa nimwanta wansona.

Atudizi

- Abombi nakutuña yikunku yamazu kuzatisha tutumwa nanyanta yansona mumazanvu, ayedi-ayedi niwumu-wumu.

Chipimu Chanzatilu Chinakuhwelelewi

Yikunku yamazu yinatañewi kufuma kututumwa ninyanta yansona mwaloña

b. Kutaña hachati yayikunku yamazu

Zhakwila

Ntañishi

- Loñeshaku chati hadi yikunku yamazu
- Yishi atudizi mumazanvu hela ayedi ayedi nakuyinka chati yayikunku yamazu kulonda atañi.
- Monaku neyi anakutaña chachiwahi. Neyi anakuluwañesha yikwashi kutaña mwaloña.

Atudizi

- Atañi chati yayikunku yamazu mumazanvu, ayedi-ayedi.

Chipimu Chanzatilu Chinakuhwelelewi

Chati yayikunku yamazu yinatañewi mwaloña.

c. Kusakula nakwambula yikunku yamazu.

Zhakwila

Ntañishi

- Loñeshañahu dehi makadi ayikunku yamazu amavulu
- Yinki atudizi yikunku yamazu asheña yadifwana hamu.
- Yinki atudizi mabokisi mudi makadi ayikunku yamazu mumazanvu kulonda ambuleña nakusha yikunku yamazu yadifwana hamu.
- Monaku neyi atudizi anasakuli yikunku yamazu chachiwahi.

Atudizi

- Ashi yikunku yamazu yadifwana hamu.

Chipimu Chanzatilu Chinakuhwelelewi

Yikunku yamazu yinasakulewi nakwambulewa mwatelela

d. Kufumishahu nsona nakuhiñishahu yikwawu

Zhakwila

Ntañishi

- Loñeshaku makadi ansona nimakaadi amazu (monaku neyi makaadi amakwawu akwikala ayedi hela asatu nezu dodimu. Ilaña izu dimu hakwikala nsona yinafumishiwu.
- Yinki atudizi afumisheña nakuhiñisha. Neyi anakañanyi, mwekeshaku kusha nsona mwizu munabuli nsona nakutuña izu dacheñi
- Yinki atudizi mumazanvu kulonda asheña nsona mumazu munabuli nsona nakutuña mazu amaha anambuki nanowu amakwawu akutuña dehi adi mubokisi.

Atudizi

Ashi nsona mumazu munabuli nsona nakutuña mazu amaha anambuki nanowu amakwawu akutuña dehi adi mubokisi.

Chipimu Chanzatilu Chinakuhwelelewi

Nsona zhinahiñishewi mwashikila.

Mutu wansañu wanyanya 3: Mazu

Kulumbulula mutu wansañu wanyanya

Iwu mutu wansañu wanyanya wukukwasha atudizi mwakubombela yikunku yamazu nakutuña mazu

Chuma Chinakuhwelelewa Atudizi Kwilukisha

- Kubomba yikunku yamazu nakutuña mazu.

Yikuyuñulu

Makadi amazu, chati yamazu, yikunku yamazu

Yuma yalema yakulumbulula hakutañisha

- ✓ Yikunku yamazu ayitunaña kubomba yivumina yansona nanyanta yansona.

Zhakwila

Ntañishi

- a. Kubomba yikunku yamazu nakutuña mazu
 - Lezhaku atudizi neyi tunakuya nakudiza chakubomba yikunku yamazu kulonda kutuña mazu.
 - Yinki yikunku yamazu abombi nakutuña mazu.
 - Neyi anakañanyi, sonekaku yikunku yamazu yiyedi habodi hela yitalishi makadi hadi yikunku yamazu yiyedi yambuka nakuyibomba kulonda yituñi izu chidi neyi; **'da'** **'ña'** yikutuña **'daña'**

Atudizi

- Asoneki yikunku yamazu yiyedi yambuka nakuyibomba kulonda yituñi izu chidi neyi; **'da'** **'ña'** yikutuña **'daña'**.

Chipimu Chanzatilu Chinakuhwelelewi

Yikunku yamazu yinabombewi nakutuña mazu mwaloña

- b. Kufumisha nakuhiñisha chikunku chezu

Zhakwila

Ntañishi

- Loñeshaku mazu akuzatisha
- Yinki atudizi mazu niyikunku yamazu kulonda atuñi mazu. Neyi anakukañanya, mwekeshaku kufumisha nakuhiñisha chikunku chezu mwizu.
- Tambikaku kadizi wumu hela ayedi atalishi akwawu kufumisha nakuhiñisha chikunku chezu Chidi neyi: izu **'yena'** neyi tufumishaku chikunku chezu **'ye'** nakuhiñishahu **'te'**, tukutuña izu dadiha **tena**
- Yinki atudizi mabokisi mudi mazu niyikunku yamazu mumazanvu kulonda afumisheña nakuhiñisha yikunku yamazu.

Atudizi

- Afumishi nakuhiñisha chikunku chezu mwizu. Chidi neyi: izu **'yena'** neyi tufumishaku chikunku chezu **'ye'** nakuhiñishahu **'te'**, tukutuña izu dadiha **tena**.

Chipimu Chanzatilu Chinakuhwelelewi

Yikunku yamazu yinafumishewi nakuhiñishewa mwatelela

- c. Ateni yikunku yamazu mumazu

Zhakwila

Ntañishi

- Loñeshaku mazu amavulu akuzatisha
- Tachi yihuli kuwana yikunku yamazu yidi mwizu: izu **to/ na/ ku**

- Yinki atudizi makadi amazu kulonda ateni yikunku yamazu yidi mumazu iwunayinki

Atudizi

- Awani nakutena yikunku yamazu yidi mwizu.

Chipimu Chanzatilu Chinakuhwelelewi

Yikunku yamazu yidi mumazu yinatenezi mwaloña.

d. Kuchinda yikunku yamazu

Zhakwila

Ntañishi

- Loñeshaku makadi akuzatisha amazu
- Yinki atudizi makadi hadi mazu kulonda achindeña yikunku yamazu yidi mumazu
- Yikwashi anakukañanya kuchinda yikunku yamazu yidi mwizu

Atudizi

- Achindi yikunku yamazu yidi mumazu, mumazanvu, ayedi-ayedi, wumu-wumu.

Chipimu Chanzatilu Chinakuhwelelewi

Yikunku yamazu yinachindewi mwaloña

Mutu wansaño muwih

Iwu mutu wansaño wadiñi nakutala hadi atudizi kumwekesha

- ✓ Yivumina yansona
- ✓ Yivumina yansona muyatiyakenaña
- ✓ Yikunku yamazu
- ✓ mazu

MUTU WANSAÑU 3: NTAÑILU YAYIWAHI

Kulumbulula

Iwu mutu wansaño wahantañilu wudi naniwu mutu wansaño wanyanya; -kutaña

Iwu mutu wansaño wukukwasha atudizi kwiluka ntañilu yayiwahi kuhitila mukutaña

Kukoka yitoñozhoka yawatudizi

Atudizi ahemi chisela chakutuña mazu amaha kufuma kwizu dimu

Mazu Alema

- Kutaña
- Mazu
- Ntañilu yayiwahi

Mutu wansaño wanyanya: Kutañila hewulu

Kulumbulula mutu wansaño wanyanya

Iwu mutu wansaño wanyanya wukukwasha atudizi ntañilu yayiwahi.

Chuma Chinakukuhwelelewa Atudizi Kwilukisha 1

- Kutaña yikunku yamazu hewulu.

Yikuyuñulu

Makadi ayikunku yamazu, chati yayikunku yamazu

Yuma yalema yakulumbulula hakutañisha

- ✓ Yikunku yamazu ayituñaña kubomba tutumwa yansona nanyanta yansona.

Zhakwila

Ntañishi

Kutaña yikunku yamazu

- Monaku neyi wunaloñeshi makadi ayikunku yamazu
- Atudizi amwekeshi kutañila yikunku yamazu hewulu
- Kadizi wumu wumu enzeña kumbidi nakutañila hewulu yikunku yamazu kufuma mufuba yayikunku yamazu.

Atudizi

- Atañili yikunku yamazu hewulu.
- Enzi kumbidi nakutañila hewulu yikunku yamazu kufuma mufuba yayikunku yamazu.

Chipimu Chanzatilu Chinakuhwelelewi

Yikunku yamazu yinatañewi mwaloña.

Chuma Chinakukuhwelelewa Atudizi Kwilukisha 2:

- Kutañila mazu hewulu nakuyitena chachiwahi.

Yikuyuñulu

Makadi amazu, chati yamazu

Yuma yalema yakulumbulula hakutañisha

- ✓ Mazu ayituñaña kubomba yikunku yama.

Zhakwila

Ntañishi

Kutaña mazu

- Loñeshaku makadi nakuyisha mufuba yamazu
- Mwekeshaku kunona nakutañila izu hewulu
- Kadizi wumu wumu enzeña kumbidi nakutañila mazu hewulu
- Kufuma mufuba yamazu.

Atudizi

- Enzi wumu wumu kumbidi nakutañila mazu hewulu.

Chipimu Chanzatilu Chinakuhwelelewi

Mazu anatañewi mwaloña.

Mutu wansañu muwihi

Iwu mutu wansañu wadiña hadi atudizi kumwekesha:

- ✓ Kutañila yikunku yamazu hewulu
- ✓ Kutañila mazu hewulu

MAZU AKUTAÑA

Mutu wansañu: Mazu

Kulumbulula:

Iwu mutu wansañu hamazu wudi naniwu mutu wansañu wanyanya;

Kukoka yitoñozhoka yawatudizi: Lezhaku atudizi ateni mazu elukawu.

Mazu alema

- Mazu
- Kutaña
- Kwiluka

Mutu wansañu wanyanya: Kwiluka mazu

Kulumbulula mutu wansañu wanyanya:

Iwu mutu wansañu wanyanya wukukwasha atudizi mwakutañila nakwiluka mazu.

Chuma Chinakuhwelelewa Atudizi Kwilukisha

- Kwiluka mazu apela

Yikuyuñulu

Makadi amazu, chati yamazu

Yuma yalema yakulumbulula hakutañisha

- ✓ Mazu ayituñaña nayikunku yamazu

Zhakwila

Ntañishi

Kwiluka mazu kuzatisha kusha mapwata hela maluña hakachi kamazu

- Monaku neyi wunaloñeshi nyikuku yamazu yinabuli maluña mukachi kamazu
- Lezhaku kadizi wumu hela ayedi amwekeshi mwakushila mapwata hela maluña mumukuku wamazu kulonda kwambula mazu.
- Shaku atudizi muzanvu, yinki makadi adi nanyikuku yamazu adibomba kuloda adizeña kushiya maluña
- Hitañanañamu nakukwasha adi nakukala.
- Monaku neyi atudizi anakutena hatela kwikala maluña munyikuku yamazu

Atudizi

- kadizi wumu hela ayedi amwekeshi mwakushila mapwata hela maluña mumukuku wamazu kulonda kwambula mazu.
- Atudizi ateni hatela kwikala maluña munyikuku yamazu.

Chipimu Chanzatilu Chinakuhwelelwi

- ✓ Mazu anelukewi mwaloña kuzatisha maluña.

Mutu Wansaño Muwih

Iwu mutu wansaño wadiña hadi atudizi kumwekesha;

- ✓ Kushiya maluña hela mapwata mukachi kanyikuku yamazu

KUTAÑA NAKANAÑACHIMA

Mutu wansaño: Kutiyilila Nakanañachima

Kulumbulula:

Iwu mutu wansaño hakutiyilila nakanañachima wudi naniwu mutu wansaño wanyanya; Yitoñozhoka yatandumuka chantesha. Iwu mutu wansaño

wukukwasha atudizi kutiyilila nakanañachima kuhitila mukutwasha kutiyilila chachiwahi.

Kukoka yitoñozhoka yawatudizi:

Antu hanu heseki ahandaña chiwahi. Adaña nikunwa chachiwahi. Nimatala amaneni akweti. Mwatiyahu dehi antu ahandilaña heseki?

Mazu Alema

- Kanañachima
- Kuhosha
- Kutiyilila

Mutu wansañu wanyanya: - Kutoñozhoka kwatandumuka chantesha

Kulumbulula mutu wansañu wanyanya:

Iwu mutu wansañu wanyanya wukukwasha atudizi mwakwakwila malwihu hanyima yakutiyilila nakanañachima.

Chuma Chinakukuhwelelewa Atudizi Kwilukisha

- Kutoñozhoka mwatandumuka chantesha kufuma kuwunsahu wunatambululu.

Yikuyuñulu

Nyikanda yatuheka, nyevulu yawantu anakutiyilila kudi muntu

Yuma yalema yakulumbulula hakutañisha

- ✓ Kutiyilila kwashikilamu chiña wikala mwiluña dakubula mapumba.
- ✓ Kubula kukokashana nakuswizha yuma neyi muntu nakukuhoshesha.

Zhakwila

Ntañishi

- Lezhaku atudizi kutoñozhoka mwatandumuka chantesha kufuma kuwunsahu wunatambululu chidi neyi kwakula malwihu kufuma hansañu yanatiyiwu nakwidisha yitoñozhoka yawu

Atudizi

- Atoñozhoki mwatandumuka chantesha kufuma kuwunsahu wunatambuluwu chidi neyi kwakula malwihu kufuma hansañu yanatiyiwu nakwidisha yitoñozhoka yawu

Chipimu Chanzatilu Chinakuhwelelwi

- ✓ Yitoñozhoka yatandumuka chantesha kufuma kuwunsahu wunatiyiwu yinashimunewi mwatelela

Mutu Wansañu Muwih

Iwu mutu wansañu wadiña hadi atudizi kumwekesha;

- ✓ yitoñozhoka yatandumuka chantesha

KUSONEKA

Mutu wansañu: Chizala

Kulumbulula:

Iwu mutu wansañu hachizala wudi naniyi nyitu yansañu yanyanya; kusoneka nsona, kusoneka chakubula kusha nyikila. Iwu mutu wansañu wukukwasha atudizi kwiluka kusoneka nachizala chachiwahi.

Yuma yinakukuhwelelewa atudizi kwilukisha

Kadizi anakumukuhwelela hampinji yakudiza nineyi nakumishi dehi kudiza kumwekesha kwiluka kwila yuma yidi neyi; chizala chachiwahi.

Kukoka yitoñozhoka yawatudizi:

Ahemi chisela chakwiluka kukwata nsonekeshi.

Mazu Alema

- Nsona
- Chizala
- Kusoneka
- Kutaña
- Nsonekeshi

Mutu wansaño wanyanya 1: - Kusoneka nsona

Kulumbulula mutu wansaño wanyanya:

Iwu mutu wansaño wanyanya wukukwasha atudizi kwiluka mwakusonekela nsona.

Chuma Chinakukuhwelelewa Atudizi Kwilukisha

- Kusoneka nsona.

Yikuyuñulu

Mapensulu, nyikanda yawu yakusonekamu, makina amaana amaha.

Yuma yalema yakulumbulula hakutañisha

- ✓ Nsona yekala nanomu mwakutachikila kuyisoneka nimwakuyikumishila.

Zhakwila

Ntañishi

a. Kukopolola mashepu

- Loñeshaku nyevulu yamashepu yamboka nakuyisha mufuba yamazu kulonda atudizi anonaneña nakutena izhina da shepu yikunonawu.
- Lamikaku mashepu anakunonawu atudizi hachati.
- Yilezhi atudizi akopololi mashepu munyikanda yawu.

Atudizi

- Ateni izhina dashepu yikunonawu.
- Akopololi mashepu munyikanda yawu.

Chipimu Chanzatilu Chinakuhwelelewi

Mashepu anakopololewi mwaloña

b. Kusoneka mapatani

Zhakwila

Ntañishi

- Loñeshaku nyevulu yamapatani hela kuketula mapatani.
- Lezhaku atudizi ayedi hela asatu amwekeshi mwakusonekela mapatani habodi. Neyi anakukañanya yinki mapatani iwaketula eseki kufundulula.
- Monaku neyi anakusoneka mapatani chachiwahi.

Atudizi

- Amwekeshi mwakusonekela mapatani habodi.

Chipimu Chanzatilu Chinakuhwelelewi

-Mapatani anasonekewi mwaloña.

c. Kukopolola nsona

Zhakwila

Ntañishi

- Loñeshaku makadi ansona (wunatweshi kuketula tuyiketu twansona kulonda kukwasha atudizi.)
- Mwekeshaku nsona kudi atudizi.
- Yitalishi mwakusonekela nsona.
- Kadizi wumu hela ayedi amwekeshi mwakusonekela nsona
- Yinki nsona zhambuka kulonda asoneki.

Atudizi

- Amwekeshi mwakusonekela nsona.

Chipimu Chanzatilu Chinakuhwelelewi

- Nsona yinasonekewi mwaloña.

Mutu wansaño wanyanya 2: - Chizala chakubula kushaku nyikila

Kulumbulula mutu wansaño wanyanya:

Iwu mutu wansaño wanyanya wukukwasha atudizi kwiluka mwakusonekela chizala chakubula kusha nyikila.

Chuma Chinakuhwelelewa Atudizi Kwilukisha

- Kusoneka mazu muchizala chachiwahi.

Yikuyuñulu

Mapensulu, nyikanda yawu yakusonekamu, maana amakina amaha

Yuma yalema yakulumbulula hakutañisha

- ✓ Nsona yekala nanomu mwakutachikila kuyisoneka nimwakuyikumishila.

Zhakwila

Ntañishi

- Kukopolola mazu nachizala chakubula kusha nyikila
- Monaku neyi wunaloñeshi mazu.
- Mwekeshaku mwakusonekela chizala chakubula kusha nyikila.
- Yinki atudizi mazu kulonda ayisoneki muchizala chakubula nyikila.

Atudizi

- Akopololi mazu nachizala chakubula kusha nyikila.

Chipimu Chanzatilu Chinakuhwelelewi

- Mazu anakopololewi muchizala chakubula kushaku nyikila mwaloña.

Mutu wansaño muwihi

Iwu mutu wansaño wunadiñi hadi atudizi kumwekesha;

- kusoneka nsona.
- kusoneka nsona nachizala chakubula kushaku nyikila.

CHIBALU: KUHOSHA NAWAMABWAMBU

Mutu wansaño: kuhanjeka

Kulumbulula

Iwu mutu wansaño hakuhosha namambwambu wudi naniwu mutu wansaño wanyanya: kuhanjeka. Iwu mutu wansaño wukukwasha atudizi kuhosha nakutiyilila kuhitila mukuhanjeka.

Kukoka yitoñozhoka yawatudizi

*Kuhema chisela chakubokela nakutena chuma chinamwekani chidi neyi:
nyendu yinabuli kukwata heseki hi...kukiluka
Noloki nyendu shu mukabavu hi.....*

Mazu Alema

- Kuhanjeka
- Kuhosha
- Kutiyilila
- Mabwambu
- Kuzatisha
- Mazu

Mutu wansaño wanyanya: Kuhanjeka

Kulumbulula mutu wansaño wanyanya;

Iwu mutu wansaño wanyanya wukukwasha atudizi mwakuhoshela hakuhanjeka nawamabwambu.

Chuma Chinakukuhwelelewa Atudizi Kwilukisha

- Kuzatisha nhoshelu yashikilamu hakuhosha nawakulumpi nina mabwambu.

Yikuyuñulu

Nyevulu yinakumwekesha antu anakuhanjeka, makina amaana amaha

Yuma yalema yakulumbulula hakutañisha

- ✓ Kuhanjeka mwekala kuhosha nakutiyilila mukwenu
- ✓ Kwiluka mazu akuhanjeka namabwambu.

Zhakwila

Ntañishi

- a. Kutena mazu ninyikuku yamazuru yakuzatisha hakuhosha nawakulumpi
- Monaku neyi wunaloñeshi mazu ninyikuku yamazuru yakuzatisha hakutañisha.
 - Mwekeshaku mazu ninyikuku yamazuru yoloka yakuzatisha neyi wunakuhosha nawakulumpi
 - Atudizi ayedi enzi kumbidi kulonda ahanjeki hansañu yikumwekesha nhoshelu yaloña hakuhosha nawakulumpi yiwunaloñeshi.
 - Yihuli atudizi ateni mazu ninyikuku yamazuru yinazatishiwu munsañu yinakumwekesha nhoshelu yakuzatisha hakuhosha nawakulumpi.

Atudizi

- Enzi ayedi-ayedi kumbidi kulonda ahanjeki hansañu yikumwekesha nhoshelu yaloña hakuhosha nawakulumpi yiwunaloñeshi.
- Ateni mazu ninyikuku yamazuru yinazatishiwu munsañu yinakumwekesha nhoshelu yakuzatisha hakuhosha nawakulumpi.

Chipimu Chanzatilu Chinakuhwelelewi

Mazu ninyikuku yamazuru hakuhosha nawakulumpi yinatenewi mwaloña.

- b. Kutena mazu ninyikuku yamazuru yakuzatisha hakuhosha nawamabwambu.

Zhakwila

Ntañishi

- Monaku neyi wunaloñeshi mazu ninyikuku yamazuru yakuzatisha hakutañisha.
- Mwekeshaku mazu ninyikuku yamazuru yoloka yakuzatisha neyi wunakuhosha nawamabwambu.
- Atudizi ayedi enzi kumbidi kulonda ahanjeki hansañu yikumwekesha nhoshelu yaloña hakuhosha nawamabwambu yiwunaloñeshi.
- Yihuli atudizi ateni mazu ninyikuku yamazuru yinazatishiwu munsañu yinakumwekesha nhoshelu yakuzatisha hakuhosha nawamabwambu.

Atudizi

- Ateni mazu ninyikuku yamazu yinazatishiwu munsañu yinakumwekesha nhoshelu yakuzatisha hakuhosha nawamabwambu.

Chipimu Chanzatilu Chinakuhwelelewi

Mazu ninyikuku yamazu hakuhosha nawamabwambu yinatenewi mwaloña.

c. Kuhema chisela chakuhosha nakutiylila kudi akulumpi namabwambu

Zhakwila

Ntañishi

- Lumbululaku chisela kudi atudizi nakuyinka anhemi yibalu yawu yikuhemawu muchisela (ahemi chisela hanyitu yansañu yidi neyi kukabisha anyana hela kuzatisha yitumbu yashetaña munzhila yaluwa ninyitu yansañu yikwawu yiwunatweshi kutoñozoka.)
- Hanyima yakuhema chisela yilezhi atudizi yuma yanadiziwu muchisela.

Atudizi

- Ahemi chisela hanyitu yansañu yidi neyi kukabisha anyana hela kuzatisha yitumbu yashetaña munzhila yaluwa ninyitu yansañu yikwawu.
- Hanyima yakuhema chisela yihuli atudizi yuma yanadiziwu.

Chipimu Chanzatilu Chinakuhwelelewi

Chisela chakuhosha nakutiylila kudi akulumpi namabwambu chinahemewi mwatelela

Mutu Wansañu Muwihi

Iwu mutu wansañu wadiña hadi atudizi kumwekesha:

- ✓ Mazu ninyikuku yamazu yatelela neyi anakuhosha nawakulumpi hela amabwambu.
- ✓ kuhema chisela chakuhosha nakutiylila kudi akulumpi namabwambu.

KUTAÑA

MUTU WANSAÑU 1: Kwiluka nsona niyivumina

Kulumbulula

Iwu mutu wansañu wahakwiluka nsona niyivumina wudi naniyi nyitu yansañu yanyanya; Kwiluka nsona niyivumina ni kwiluka nsona. Iwu mutu wansañu wukukwasha atudizi kwiluka nsona niyivumina.

Kukoka yitoñozhoka yawatudizi

Mutupa wayili mwisaña nakukeña yivumina yayiwahi yekalamu. Chashikiliyi watachikili kutiyilila dichi hakutiya chivumina ssss nindi komana nimwisaña mwekala yivumina yayiwahi chochichi. Eyi mukutoñozhoka kweyi kanyamanyi wedishaña chivumina chenichi.

Mazu Alema

- Yivumina
- Nsona
- Yikunku yamazu

Mutu wansañu wanyanya 1: Yikunku yamazu

Kulumbulula mutu wansañu wanyanya

Iwu mutu wansañu wanyanya wudi hakwilukisha atudizi kumwekesha yikunku yamazu mukuhosha hohu.

Chuma Chinakukhwelelewa Atudizi Kwilukisha

- Kutena yikunku yamazu.

Yikuyuñulu

Makadi ayikunku yamazu, makina amaana amaha, chati yayikunku yamazu ansona

Yuma yalema yakulumbulula hakutañisha

- ✓ Yikunku yamazu ayituñaña kuzatisha tutumwa nanyanta yansona

a. Kutena yikunku yamazu mukuhosha hohu

Zhakwila

Ntañishi

- Loñeshaku makadi ayikunku yamazu
- Lezhaku atudizi izu mukuhosha hohu chidi neyi **'mesa'**
- Lumbululaku nakumwekesha yikunku yamazu yidi mwizu mesa
- Atudizi ayedi hela asatu amwekeshi kutena yikunku yamazu mukuhosha hohu
- Shaku atudizi mumazanvu kulonda ateni yikunku yamazu yidi mumazu mukuhosha hohu

Atudizi

- Ayedi hela asatu amwekeshi kutena yikunku yamazu mukuhosha hohu.

Chipimu Chanzatilu Chinakuhwelelewi

Yikunku yamazu yinatenewi mukuhosha hohu mwaloña

b. Kuhema chisela chakuchinda yikunku yamazu

Zhakwila

Ntañishi

- Lezhaku atudizi neyi tunakuya nakuhema chisela chakuchinda yikunku yamazu kuzatisha makasa mukuhosha hohu.
- Mwekeshaku izu dimu didi hakadi nakuditena
- Lezhaku atudizi ateni izu denidi niwena

- Mwekeshaku kuchinda yikunku yamazu yidi mwizu. chidi neyi: izu **ku/ko/ka** mudi yikunku yamazu yisatu. Dichi tukusakilila kasatu.
- Yinki atudizi makadi amazu amboka kulonda ahemi chisela chakuchinda yikunku yamazu mukuhosha hohu nakusakilila.

Atudizi

- Ahemi chisela chakuchinda yikunku yamazu mukuhosha hohu nakusakilila.

Chipimu Chanzatilu Chinakuhwelelewi:

Chisela chakuchinda yikunku yamazu chinahemewi mwatelela

c. Kutuña mazu kuzatisha yikunku yamazu mukuhosha hohu.

Zhakwila

Ntañishi

- Monaku neyi wunaloñeshi makadi ayikunku yamazu amavulu
- Yinki atudizi makadi ayikunku yamazu kulonda atuñi mazu mumazanvu. Neyi anakuwana kukala, mwekeshaku kutuña izu kuzatisha yikunku yamazu.
- Mulezhi wunakwimenaku izanvu kutena mazu anatuñiwu mukuhosha hohu.

Atudizi

- Atuñi mazu mumazanvu. Neyi anakuwana kukala, mwekeshaku kutuña izu kuzatisha yikunku yamazu.

Chipimu Chanzatilu Chinakuhwelelewi:

Mazu kufuma kuyikunku yamazu anatuñewi mwaloña mukuhosha hohu.

d. Kuhema chisela chakufumisha nakuhiñisha yikunku yamazu

Zhakwila

Ntañishi

- Loñeshaku makadi ayikunku yamazu nimazu amavulu.
- Mwekeshaku mwakuhemena chisela chakufumisha nakuhiñisha yikunku yamazu mwizu. chidi neyi; izu **kana**
- Neyi tukufumishaku chikunku chezu '**ka**' nakuhiñishamu chikunku chezu '**no**' tukutuña izu dadiha dacheñi **nona**.
- Yishi atudizi mumazanvu ahemi chisela chakufumisha nakuhiñishamu yikunku yamazu.

Atudizi

- Ahemi chisela chakufumisha nakuhiñishamu yikunku yamazu.

Chipimu Chanzatilu Chinakuhwelelewi

Chisela chakutuña mazu chinahemewi mwatelela.

Mutu wansaño wanyanya 2: Kwiluka nsona

Kulumbulula mutu wansaño wanyanya

Iwu mutu wansaño wanyanya wukukwasha atudizi kwiluka nsona

Chuma Chinakuhwelelewa Atudizi Kwilukisha

- Kutena yivumina yansona.

Yikuyuñulu

Makadi ayikunku yamazu, makina amaana amaha, chati yayikunku yamazu ansona

Yuma yalema yakulumbulula hakutañisha

Yikunku yamazu ayituñaña kuzatisha tutumwa nanyanta yansona

Zhakwila

Ntañishi

- a. Kutena yivumina yidi kukutachika kwamazu mukuhosha hohu
- Loñeshaku makadi amazu amavulu
 - Yinki atudizi mumazanvu nakuyinka makadi amazu *ateni yivumina yidi kukutachika kwamazu mukuhosha hohu.*
 - Neyi anakuwana kukala yikwashi nakuyilombola mukutena yivumina kukutachika kwezu mukuhosha hohu.
 - Monaku neyi anakutena yivumina yansona kukutachika kwamazu.
- Atudizi
- Ateni yivumina yidi kukutachika kwamazu mukuhosha hohu.

Chipimu Chanzatilu Chinakuhwelelewi:

Chivumina kukutachika kwamazu chinatenewi mwaloña mukuhosha hohu.

- b. Kutena chivumina chidi kunsu yamazu mukuhosha hohu

Zhakwila

Ntañishi

- Loñeshaku mazu aswayi hela apela iwukukeña kuzatisha (cvcv chidi neyi noka, kami...)
 - Tenaku izu dimu chidi neyi noka hela kami nakuyilezha atudizi yivumina yidi kunsu.
 - Tenaku mazu amboka dichi atudizi ashimuneña yivumina yidi kunsu.
 - Yinki mazu kweseka nachiwunaloñeshi chidi neyi mazanvu hela ayedi ayedi.
 - Kwashaku anakuwana kukala kutena yivumina yakunsu yamazu.
- Atudizi
- Ateni chivumina chidi kunsu yamazu mukuhosha hohu,

Chipimu Chanzatilu chinakuhwelelewi:

Chivumina chakunsu yamazu chinatenewi mwaloña mukuhosha hohu

c. Kuhema chisela chakufumisha nakuhiñisha nsona

Zhakwila

Ntañishi

- Monaku neyi wunaloñeshi makadi akuzatisha hakuhema chisela
- Sonekaku izu nakuditaña hamu nawatudizi. Kufumahu wumwekeshi mwakufumishilahu nsona yimu nakufuntishahu nsona yacheñi. (hanaku chitalilu chakufumisha nsona chidi neyi izu **nawu** neyi tunafumishiku **'n'** yikwikala..... **awu**. Dichi neyi tukuhiñishamu nsona **'w'** tukutuña izu dadiha **'wawu'**
- Shaku atudizi mumazanvu nakuyinka makadi amazu kulonda afumisheña nakuhiñishamu nsona.

Atudizi

- Atañi hamu nantañishi odu izu dinasonekiyi.

Chipimu Chanzatilu Chinakuhwelelewi:

Yisela yakwiluka nsona yinahemewi mwatelela.

c. Azatishi mazu mudi yivumina yadifwana muntiyakenu kulonda kudiza yivumina yansona.

Zhakwila

Ntañishi

- Loñeshaku mazu amavulu mudi yivumina yadifwana.
- Lezhaku atudizi ateni mazu mudi yivumina yadifwana. Neyi anakañanyi kutaña yilezhi mwakwilila chidi neyi awa mazu

'Yaya waya kuyana yakumayawu'

- Yinki atudizi mazu mudi yivumina yadifwana kulonda adizeña kuyitena

Atudizi

- Ateni mazu mudi yivumina yadifwana.

Chipimu Chanzatilu Chinakuhwelelewi

Yivumina yamazu adifwana yinedishewi mwaloña.

Mutu wansañu muwih

Iwu mutu wansañu wadiñi nakutala hadi atudizi kumwekesha:

- ✓ kwiluka nsona
- ✓ kwiluka yivumina yansona

MUTU WANSANU 2: Yivumina yansona muyatiyakenaña Kulumbulula

Iwu mutu wansaño wahayivumina yansona muyatiyakenaña wudi naniyi nyitu yansaño yanyanya;

1 Yivumina yansona

2 Yikunku yamazú

3 Mazu

Iwu mutu wansaño wukukwasha atudizi kwiluka mwakutenena yivumina yansona muyatiyakenaña.

Kukoka yitoñozhoka yawatudizi

- Lezhaku atudizi embi kamina ka alufabeti kadi neyi a, e, i, o, u nsona zhetu twazhikeña nankashi nsona zhetu.

Mazu Alema

- Chivumina
- Kutiyakana
- Nsona
- Mazu

Mutu wansaño wanyanya 1: Yivumina yansona (v, j, b, l, ch)

Kulumbulula mutu wansaño wanyanya

Iwu mutu wansaño wanyanya wukukwasha atudizi kwiluka mwakutenena yivumina ya nsona.

Chuma Chinakukuhwelelewa Atudizi Kwilukisha

- Kwidisha yivumina yansona

Yikuyuñulu

Makadi ayivumina yansona, makina amaana amaha, chati yansona

Yuma yalema yakulumbulula hakutañisha

Yikunku yamazú ayituñaña kuzatisha tutumwa nanyanta yansona

Zhakwila

Ntañishi

a. Kwidisha yivumina yansona

- Yilezhi atudizi neyi tunakuya nakwidisha yivumina yansona. Dichi loñeshañahu dehi makadi ansona hela makina amaana amakonu.
- Yitalishi kadi hadi nsona yiwunaloñeshi chidi neyi /v/
- Mwekeshaku mwakwidishila chivumina chanson yeniyi
- Yinki atudizi fuba yayivumina yansona kulonda anonimu nakwidisha yivumina.

Atudizi

- Anoni yivumina yansona mufuba nakwidisha yivumina yayu.

Chipimu Chanzatilu Chinakuhwelelewi

Yivumina yansona yinedishewi mwaloña

Chanukishi: Monaku neyi yivumina yezhima yanimu mumutu wansaño yinatañishewi, chakubula kushiyahu hela chimu.

d. Kutena yivumina yansona

- Loñeshaku fuba hela bokisi yikweti nsona zhazhivulu
- Yinki atudizi yivumina yansona kulonda ayiteni
- Neyi hiyanatweshiku zatilenu hamu nawu nakutena yivumina yansona
- Yishi atudizi ekali ayedi ayedi kulonda wuyinki makadi ansona ateneña yivumina yansona.

Chipimu Chanzatilu chinakuhwelelewi

Yivumina yansona yinatenezi mwaloña.

c. Kusakula nakwambula nsona

Zhakwila

Ntañishi

- Loñeshañahu dehi makadi ansona anamboki.
- Mwekeshaku mwakwambwila nsona.
- Yinki atudizi makadi ansona amavulu kulonda ambuli nsona.
- Monaku neyi atudizi anakwambula nsona mwaloña

Atudizi

- Ambuli nsona zhidi hamakaadi.

Chipimu Chanzatilu Chinakuhwelelewi

Nsona zhinakulewi mwatelela.

Mutu wansaño wanyanya 2: Yikunku Yamazu

Kulumbulula mutu wansaño wanyanya

Iwu mutu wansaño wanyanya wukukwasha atudizi kutuña yikunku yamazu kuhitila mukubomba katumwa namwanta wansona.

Chuma Chinakuhwelelewa Atudizi Kwilukisha:

- Kubomba tutumwa nawanyanta yansona nakutuña yikunku yamazu.

Yikuyuñulu

Makadi ayikunku yamazu, makina amaana amaha, chati hela makadi ansona

Yuma yalema yakulumbulula hakutañisha

Yikunku yamazu ayituñaña kuzatisha tutumwa nanyanta yansona

Zhakwila

Ntañishi

- a. Kutuña yikunku yamazu kufuma kututumwa nanyanta yansona.
- Monaku neyi wunaloñeshi makadi ansona amavulu
 - Lezhaku atudizi atuñi yikunku yamazu kuzatisha tutumwa nanyanta yansona chidi neyi anyanta **a, e, i, o, u** nakatumwa **/f/** akutuña yikunku yamazu **fa, fe, fi, fo, fu**
 - Monaku neyi atudizi anakutuña yikunku yamazu.

Atudizi

- Atuñi yikunku yamazu kuzatisha tutumwa nanyanta yansona chidi neyi anyanta **a, e, i, o, u** nakatumwa **/f/** akutuña yikunku yamazu **fa, fe, fi, fo, fu**.

Chipimu Chanzatilu Chinakuhwelelewi

Yikunku yamazu yinatuñewi kufuma kututumwa nanyanta yansona mwaloña.

- b. Kutaña hachati yayikunku yamazu

Zhakwila

Ntañishi

- Loñeshaku chati hadi yikunku yamazu.
- Mwekeshaku kutaña yikunku yamazu hachati.
- Yishi atudizi mumazanvu hela ayedi ayedi kulonda atañi yikunku yamazu hachati.

Atudizi

- Atañi yikunku yamazu hachati hela mumazanvu.

Chipimu Chanzatilu Chinakuhwelelewi

Chati yayikunku yamazu yinatañewi mwaloña.

- c. Kusakula nakwambula yikunku yamazu

Zhakwila

Ntañishi

- Loñeshañahu dehi makadi ayikunku yamazu akuzatisha.
- Mwekeshaku mwakusakwila nakwambwila yikunku yamazu.
- Lumbikaku makadi amazu kulonda atudizi asakuleña nakwambula.

Atudizi

- Asakuli nakwambula makaadi analumbikiwu kudi ntañishi hadi yikunku yamazu.

Chipimu Chanzatilu Chinakuhwelelewi

Yikunku yamazu yinasakulewi nakwambulewa mwatelela.

- d. Kufumisha nsona nakuhiñishahu yikwawu

Zhakwila

Ntañishi

- Monaku neyi wunaloñeshi makadi ansona amavulu.
- Mwekeshaku mwakufumishila nakuhiñisha nsona mwizu chidi neyi:
- Izu **'Kuya'** neyi tukufumishaku **/k/** nakuhiñishaku **/z/** tukutuña izu dadiha **'zuya'**
- Yinki atudizi mumazanvu kulonda asheña nsona mumazu munabuli nsona nakutuña mazu amaha anambuki nanowu iwayinka.

Atudizi

- Ashi nsona mumazu munabuli nsona nakutuña mazu amaha anambuki nanowu iwayinka.

Chipimu Chanzatilu Chinakuhwelelewi

Nsona zhinahiñishewi mwatelela.

Mutu wansañu wanyanya 3: Mazu

Kulumbulula mutu wansañu wanyanya

Iwu mutu wansañu wanyanya wukukwasha atudizi mwakubombela yikunku yamazu nakutuña mazu

Chuma Chinakukuhwelelewa Atudizi Kwilukisha

- Kubomba yikunku yamazu nakutuña mazu.

Yikuyuñulu

Makadi ayikunku yamazu, makina amaana amaha

Yuma yalema yakulumbulula hakutañisha

Mazu ayituñaña kuzatisha yikunku yamazu.

Zhakwila

Ntañishi

a. Kubomba yikunku yamazu nakutuña mazu

- Lezhaku atudizi neyi anakuya nakudiza mwakubombela yikunku yamazu kulonda kutuña mazu.
- Sonekaku yikunku yamazu yiyedi hela yitalishi makadi hadi yikunku yamazu yiyedi yamboka chidi neyi;

'Vu' **'wa'**

kubomba iyi yikunku yamazu yiyedi hamu yikutuña izu **'vuwa'**

- Atudizi mumazanvu atuñi mazu kuzatisha yinkuku yamazu
- Monaku neyi atudizi anakubomba yikunku yamazu chachiwahi.

Atudizi

- Abombi yikunku yamazu chachiwahi.

Chipimu Chanzatilu Chinakuhwelelewi

Yikunku yamazu yinabombewi nakutuña mazu mwaloña.

b. Kufumisha nakuhiñisha chikunku chezu

Zhakwila

Ntañishi

- Loñeshaku mazu akuzatisha.
- Mwekeshaku kufumisha nakuhiñisha chikunku chezu mwizu. Chidi neyi: izu **'zowa'** neyi tukufumishaku chikunku chezu **'zo'** nakuhiñishaku **'so'** tukutuña izu dadiha **'sowa'**
- Yinki atudizi mazu kulonda afumishi yikunku yamazu kumazu nakuhiñishamu chikunku chacheñi chachiha.

Atudizi

- Afumishi yikunku yamazu kumazu nakuhiñishamu chikunku chacheñi chachiha.

Chipimu Chanzatilu Chinakuhwelelewi

Yikunku yamazu yinafumishewi nakuhiñishewa mwatelela.

c. Ateni yikunku yamazu mumazu.

Zhakwila

Ntañishi

- Loñeshaku mazu amavulu akuzatisha.
- Zafilaku hamu nawatudizi kuwana nakutena yikunku yamazu yidi mumazu chidi neyi: Izu **ma/ka/sa** didi naniyi yikunku yamazu.
- Yinki atudizi makadi amazu kulonda ateni yikunku yamazu yidi mumazu iwunayinki.

Atudizi

- Ateni yikunku yamazu yidi mumazu iwunayinki.

Chipimu Chanzatilu Chinakuhwelelewi

Yikunku yamazu yidi mumazu yinatenuwi mwaloña.

d. Kuchinda yikunku yamazu.

Zhakwila

Ntañishi

- Monaku neyi wunaloñeshi makadi amazu
- Yinki atudizi makadi amazu kulonda achindeña yikunku yamazu yidi mumazu.
- Kwashaku anakukañanya

Atudizi

- Achindi yikunku yamazu yidi mumazu.

Chipimu Chanzatilu Chinakuhwelelewi

Yikunku yamazu yinachindewi mwaloña.

Mutu wansaño muwihi

Iwu mutu wansaño wadiñi nakutala hadi atudizi kumwekesha

- yivumina yansona
- yivumina yansona muyatiyakenaña
- yikunku yamazu

MUTU WANSAÑO 4: Ntañilu yayiwahi

Kulumbulula

Iwu mutu wansaño wahantañilu yayiwahi wudi naniwu mutu wansaño wanyanya; kutaña. Iwu mutu wansaño wukukwasha atudizi kwiluka ntañilu yayiwahi kuhitila mukutaña.

Kukoka yitoñozhoka yawatudizi

Kansi wamubanda wadiña weluka kutaña kubadika atwansi awamayala, yena watweshelaña kutaña kubadika akwawu ezhima. Dichi yena amutambikileña nakutañila akwawu ezhima, muloña yena watañilena chachiwahi. Kwiluka kutaña kwawahila hadihi?

Mazu Alema

- Mazu
- Kutaña
- Wukalawenu

Mutu wansaño wanyanya - Kutaña

Kulumbulula mutu wansaño wanyanya

Iwu mutu wansaño wanyanya wukukwasha atudizi kwiluka ntañilu yayiwahi.

Chuma Chinakuhwelelewa Atudizi Kwilukisha

- Kutaña yikunku yamazu hewulu.

Yikuyuñulu

Makadi ayikunku yamazu, makina amaana amaha, chati yayikunku yamazu

Yuma yalema yakulumbulula hakutañisha

- Yikunku yamazu ayituaña kuzatisha tutumwa nanyanta yansona.
- Kutañila hewulu hikutaña nezu datiyakana.

Zhakwila

Ntañishi

Kutaña yikunku yamazu hewulu.

- Monaku neyi wunaloñeshi makadi ayikunku yamazu.
- Mwekeshaku kutañila yikunku yamazu hewulu.
- Yinki atudizi yikunku yamazu yakutaña
- Monaku neyi anakutaña chachiwahi.

Atudizi

- Atañi nyikunku yamanzu yinayikiwu kudi ntañishi.

Chipimu Chanzatilu Chinakuhwelelewi

Yikunku yamazu yinatañewi mwaloña.

Chuma Chinakuhwelelewa Atudizi Kwilukisha 2

- Kutaña mazu hewulu nakuyitena chachiwahi.

Yikuyuñulu

Makadi amazu, makina amaana amaha, chati yamazu

Yuma yalema yakulumbulula hakutañisha

Kutañila hewulu hikutaña nezu datiyakana

Zhakwila

Ntañishi

Kutaña mazu

- Loñeshaku makadi amazu mubokisi hela mufuba yamazu.
- Mwekeshaku mwakutañila mazu hewulu.
- Monaku neyi atudizi anakutaña chachiwahi.

Atudizi

Atañi chachiwahi.

Chipimu Chanzatilu Chinakuhwelelewi

Mazu anatañewi mwaloña.

Mutu wansaño muwih

Iwu mutu wansaño wadiñi hadi atudizi kumwekesha;

- ✓ kutaña yikunku yamazu hewulu

- ✓ kutaña mazu hewulu.

.

MAZU AKUTAÑA

MUTU WANSAÑU: Mazu

Kulumbulula

Iwu mutu wansañu hamazu wudi naniwu mutu wansañu wanyanya kwiluka mazu. Iwu mutu wansañu wukukwasha atudizi kwiluka mazu kuhitila mukutwasha kutaña mazu.

Kukoka yitoñozhoka yawatudizi

Atudizi ateni yikunku yamazu yakeñeshawu. Chikunku chezu 'cha' tukutuña izu cha chawu

Wu- wuwa

Wa- watu

Tu- tuloña

Ña- ñandu

Ndu- nduñu

Mazu Alema

- Kwiluka
- Mazu
- Kutaña

Mutu wansañu wanyanya - Kwiluka mazu

Kulumbulula mutu wansañu wanyanya

Iwu mutu wansañu wanyanya wukukwasha atudizi mwakutañila nakwiluka mazu.

Chuma Chinakukuhwelelewa Atudizi Kwilukisha;

- Kwiluka mazu apela hela aswayi.

Yikuyuñulu

Makadi amazu, makina amaana amaha, chati yamazu

Yuma yalema yakulumbulula hakutañisha

- Mazu ayituñaña kuzatisha yikunku yamazu.
- Mazu apela hela aswayi diwu mazu abula kukala

Zhakwila

Ntañishi

Kwiluka mazu kuzatisha kusha mapwata hela maluña hakachi kamazu.

- Monaku neyi wunaloñeshi nyikuku yamazu yinabuli maluña mukachi kamazu.
- Mwekeshaku mwakushila maluña munyikuku yamazu
- Inkaku atudizi nyikuku yamazu kulonda amwekeshi mwakushila maluña mukachi kamazu.

Atudizi

- Ashi mazu mumapwata munashiyiwu.

Chipimu Chanzatilu Chinakuhwelelewi

Mazu anelukewi mwaloña kuzatisha maluña.

Mutu wansaño muwih

Iwu mutu wansaño wadiñi hadi atudizi kumwekeshi;

- ✓ kushiya maluña hela mapwata mukachi kanyikuku yamazu.

KUTAÑA NAKANAÑACHIMA

Mutu wansaño: Kutiyilila Nakanañachima.

Kulumbulula

Iwu mutu wansaño hakutiyilila nakanañachima wudi naniwu mutu wansaño wanyanya;

- yitoñozhoka yatandumuka chantesha.

Iwu mutu wansaño wukukwasha atudizi kutiyilila nakanañachima kuhitila mukutweshi kutiyilila chachiwahi.

Kukoka yitoñozhoka yawatudizi

Nkaka weyala wakeñeli kutaña nyikanda nankashi. Dichi walombeleña nyikanda kudi mwizukulwindi kulonda niyena atañimu. Dichi akwawu akulumpi chamumweniwu nawu waswezha kukeña kutaña, amwinkeli mukanda kulonda atañi. Watachikili kutaña mumukanda windi iku nakwendesha mensu indi hamukanda. Antu atachikili kutiyilila zhinakutañayi. Komana yena wadiñi nakutaña nyevulu hohu. Antu ezhima ahayamini nawu komona heluka kutañaku.

Mazu Alema

- Kuhosha
- Kanañachima
- Kutiyilila

Mutu wansaño wanyanya- Kutoñozhoka kwatandumuka chantesha

Kulumbulula mutu wansaño wanyanya

Iwu mutu wansaño wanyanya wukukwasha atudizi mwakwakwila malwihi hanyima yakutiyilila nakanañachima.

Chuma Chinakukuhwelelewa Atudizi Kwilukisha

- Kutoñozhoka mwatandumuka chantesha kufuma kuwunsahu wunatambululuwu.

Yikuyuñulu

Nyikanda yatuheka, yipapilu yansaño

Yuma yalema yakulumbulula hakutañisha

Muntu watela kwikala wakasunuka nakwidisha yitoñozhoka.

Zhakwila

Ntañishi

Kutoñozhoka mwatandumuka chantesha kufuma kuwunsahu wunatambululuwu chidi neyi, kumanisha kaheka.

- Shimwinaku atudizi kaheka kakihi kakukumishila hakachi.
- Lezhaku atudizi kweseka kukimanisha nayitoñozhoka yawu

Atudizi

Ashimuni nakumanisha kaheka kakihi.

Chipimu Chanzatilu Chinakuhwelelewi

Yitoñozhoka yatandumuka chantesha kufuma kuwunsahu wunatiyiwu yinashimunewi mwatelela.

Mutu wansaño muwihi

Iwu mutu wansaño wadiña hadi atudizi kumwekesha;

✓ yitoñozhoka yatandumuka chantesha.

KUSONEKA

Mutu Wansaño: Chizala

Kulumbulula

Iwu mutu wansaño hachizala wudi naniyi nyitu yansaño yanyanya;

- kusoneka nsona
- kusoneka chakubula kusha nyikila

Iwu mutu wansaño wukukwasha atudizi kwiluka kusoneka chizala chachiwahi

Kukoka yitoñozhoka yawatudizi

Kwadiñi kansi weyala wadiñi nansonekeshi yayiwahi yadiñi nañovu yatufuta twakwikala namaana neyi wukuyizatisha hela wukwikala nachizala chachiwahi. Chizala chiwukuzatisha chikukuletsha kutuka hela kwikala namaana. Neyi yeyi wadiñi naniyi nsokeshi, wukuzatisha chizala chamuchidinyi?

Mazu Alema

- Kusoneka
- Nsonekeshi
- Nsona
- Kutaña
- Chizala

Mutu wansaño wanyanya 1 - Kusoneka nsona

Kulumbulula mutu wansaño wanyanya;

Iwu mutu wansaño wanyanya wukukwasha atudizi kwiluka mwakusonekela nsona.

Chuma Chinakukuhwelelewa Atudizi Kwilukisha

- Kusoneka nsona

Yikuyuñulu

Mapensulu, nyikanda yakusonekamu, nyevulu yachizala, makina amaana amaha

Yuma yalema yakulumbulula hakutañisha

- ✓ Kwiluka kwatachikila nikwakumina nsona.
- ✓ Kwiluka kushakama chachiwahi.
- ✓ Kwiluka kukwata nsonekeshi

Zhakwila

Ntañishi

a. Kukopolola mashepu

- Lezhaku atudizi neyi tunakuya nakudiza mwakusonekela mashepu

- Mwekeshaku yuma yamashepu yidi neyi lalanja, mukanda niyuma yikwawu (atudizi anatweshi kutena niyuma yamashepu yidi mukilasi)
- Yilezhi aleñi mashepu amboka
- Monaku neyi anakopololi mashepu mwaloña.

Atudizi

Akopololi mashepu mwaloña nakuyitena mazhina.

Chipimu Chanzatilu Chinakuhwelelewi

Mashepu anakopololewi mwaloña.

b. Kusoneka mapatani

Zhakwila

Ntañishi

- Loñeshañahu dehi mapatani amboka akuzatisha mundizilu
- Mwekeshaku mapatani amboka iwunaloñesheli atudizi.
- Lezhaku atudizi ayedi asoneki mapatani habodi.
- Yinki atudizi mapatani akukopolola

Atudizi

- Asoneki mapatani.

Chipimu Chanzatilu Chinakuhwelelewi

Mapatani anasonekewi mwaloña

c. Kukopolola nsona

Zhakwila

Ntañishi

- Monaku neyi wunaloñeshi makadi ansona amavulu, nsonekeshi nitutanyisha.
- Mwekeshaku mwakukopolwela nsona
- Atudizi akopololi nsona.

Atudizi

Akopololi nsona

Chipimu Chanzatilu Chinakuhwelelewi

Nsona zhinakopololewi mwaloña

d. Kusoneka nsona

Zhakwila

Ntañishi

- Monaku neyi wunaloñeshi makadi ansona amavulu ninsonekeshi.
- Mwekeshaku mwakusonekela nsona
- Atudizi asoneki nsona.

Atudizi

- Asoneki nsona.

Chipimu Chanzatilu Chinakuhwelelwi

Nsona zhinasonekewi mwaloña

Mutu wansaño wanyanya 2: Chizala chakubula kushaku nyikila

Kulumbulula mutu wansaño wanyanya:

Iwu mutu wansaño wanyanya wukukwasha atudizi kwiluka mwakusonekela chizala chakubula kushaku nyikila.

Chuma Chinakuhwelelewa Atudizi Kwilukisha

- Kusoneka mazu nachizala chachiwahi.

Yikuyuñulu

Mapensulu, nyikanda yakusonekamu, nyevulu yachizala, makina amaana amaha

Yuma yalema yakulumbulula hakutañisha

- ✓ Kwiluka kwatachikila nikwakumina nsona.
- ✓ Kwiluka kushakama chachiwahi.
- ✓ Kwiluka kukwata nsonekeshi

Zhakwila

Ntañishi

- Loñeshaku makadi amazu amavulu akuzatisha atudizi.
- Mwekeshaku kukopolola mazu chakubula kusha nyikila kunsona habodi
- Yinki atudizi mazu kulonda ayisoneki muchizala chakubula nyikila

Atudizi

Apololi mazu muchizala chakubula nyikila.

Chipimu Chanzatilu Chinakuhwelelewi

- Mazu anakopololewi muchizala chakubula kushaku nyikila mwaloña.

Mutu wasaño muwih

Iwu mutu wansaño wunadiñi hadi atudiza kumwekesha;

- ✓ kusoneka nsona chakubula kushaku nyikila.
- ✓ kusoneka nsona nachizala chakubula kushaku nyikila

BIBLIOGRAPHY

Ministry of Education Lusaka (1977). **Zambian Languages Approved Orthography**. Zambia Education Publishing House, Lusaka.

National Institute for Literacy (2008): **Scientific Synthesis of Early Literacy Development and implication for interventions**, Report of the National Literacy Panel (NELP)

Sampa, F.K. (2008). **Laying a Solid Foundation for learning**; Developing Essential Literacy Skills in the Early Grades, (unpublished)

UNESCO. (2011). **Enhancing Learning of Children from Diverse Language Backgrounds: Mother Tongue-Based Bilingual or Multilingual Education in the Early Years**. Prepared by Jessica Ball, University of Victoria.

Ministry of General Education. (2013). **Teachers' Curriculum Implementation Guide**. Curriculum Development Centre, Lusaka.

Ministry of Education, Science, Vocational Training and Early Education. (2013). **National Literacy Framework**. Curriculum Development Centre, Lusaka.

Ministry of Education, Science, Vocational Training and Early Education (2014) **Primary Literacy Programme, Approach to Teaching Reading in Local Languages: Teacher's Handout**. Curriculum Development Centre, Lusaka.

Ministry of Education (2015), **Primary Literacy Programme, Mukanda Wantañishi Lunda Mañu 1**, Zambia Educational Publishing House, Lusaka.

Ministry of Education (2015), **Primary Literacy Programme, Mukanda Wakadizi Lunda Mañu 1**, Zambia Educational Publishing House, Lusaka.

Ministry of education (2023). **Zambian Education Curriculum Framework**. Curriculum Development Centre, Lusaka.

Ministry of Education (2024). **Lower Primary Syllabus**. Curriculum Development Centre, Lusaka. Zambia